



5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

梵天王與十億梵衆及無量梵居天等各與眷屬皆悉來集爾時復有光音諸天衆及少光天衆大光天衆無量光天衆端正天衆乃至淨居諸天衆如是等無量億諸天衆各與眷屬亦皆來集爾時復有賞主天衆

此賞主天是魔王五百菩薩子中最長他經名導師者是

兜率陀天衆釋提桓因忉利天衆乃至四天王天衆如是等無量諸天

衆各與眷屬亦皆來集爾時諸天衆咸作是念願得世尊隨爲我等說一法門令我得聞豈非善也作是念已前詣佛所頂禮佛足退住一面爾時善威光天子在於佛前整理衣服偏袒右臂右膝著地合十旨

掌頂禮佛足白佛言世尊我爲憐愍諸衆生故今欲請問如來應供等正覺世尊云何衆生得知法律於佛功德隨順修學依世尊教如法奉行世尊云何衆生得不懈惰勤修經典總持文義隨順義趣如法思惟速疾讀誦因法獲力世尊云何衆生得入諸字根本智慧法門住法門已能分別知因此知故入初思惟門得諸法義乃至得入甚深十二因緣法皆當覺知世尊云何衆生不生倦心不起亂心解於自心攀緣境界善知勝法能隨順入世尊我於今者欲令衆生覺如來藏得如來智故敢請如來宣說如是陀羅尼

56789801234567899012345678910012345

尼門甚深經典何以故世尊得人身難雖得人身其壽復促於短命中更有三惡何等爲三一者心性狠
弊不受善言二者常懷慳嫉懼他勝已三者設知勝
已恥不諮問是名三惡以是義故我今諮問如來世
尊陀羅尼典世尊如來先說無量億經或因問而說
或不問自說世尊我等今者見有九那由他諸天大
衆皆已集於如來應供正遍覺前是故我今於如來
陀羅尼究竟法中請問經典世尊若有人能學此最
上陀羅尼門者諸餘佛法自然增長不用多功爾時
世尊得彼善威光天子如是問已即告慧命阿難言
阿難汝見善威光天子以法義辯乃至諮問如來出
世及得如來因緣初問此陀羅尼法門經典不阿難
此善威光天子已於過去十四億諸如來所問此陀
羅尼經阿難我今爲汝說善威光天子初所問佛及
陀羅尼名汝當諦聽阿難此善威光天子於往昔時
生一大婆羅門家爲彼婆羅門子具足威德家內富
饒恒爲諸天圍繞衛護聰明多智博通外論於四禪
陀具解文義既自讀誦復能教人初問彼佛此陀羅
尼善能通達初論法門伏諸外論復能建立諸字根
本巧說種種字差別義爾時阿難白佛言世尊我等

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

願聞彼佛名號是善威光天子於過去世從誰初問
陀羅尼經及彼聖衆天子功德出世利行我皆願聞
爾時世尊卽入大力莊嚴三昧入三昧已過去所有
一切境界皆悉現前爾時慧命阿難卽從座起整理
衣服偏袒右肩右膝著地合掌向佛作如是言世尊
我從昔來初未曾見如來應供正遍覺入此三昧佛
告阿難如是如是我未曾入如此三昧何以故阿難
此三昧者非餘下地能入亦不爲彼諸餘經典故入
所以者何阿難過去諸如來莫不皆先入此三昧已
然後說是陀羅尼經亦此善威光天子初所問佛是

故阿難汝當諦聽彼佛及彼經名我今爲汝說此二
種阿難白佛言善哉世尊今正是時唯願世尊爲我
等說善威光天子所問佛號及所說經亦說比天辯
才功德令我等聞世尊今此一切天人大衆悉皆歡
喜樂欲聽聞此諸梵衆及天子等一心樂聞善根若
此復告阿難諦聽諦受善思念之我今解說阿難復
言善哉世尊唯願爲說我當聽受佛告阿難我念過
去無量無邊時有一劫名曰賢天於彼劫中有轉輪
王號祭火光統四天下戒行具足如法正治王大夫
人產生一息名曰放光阿難時放光童子者乃是後

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

身菩薩其生既經二千餘歲然後方始出家修行漸至道場菩提樹下成等正覺既成佛已仍號放光彼佛眷屬弟子有九十億那由他聲聞衆等一切皆是大阿羅漢復有一億大菩薩衆阿難時彼放光如來處大衆中爲諸菩薩及聲聞等說此陀羅尼甚深經典然此陀羅尼門則能總攝諸餘經典若有受持此陀羅尼者一切佛菩提事雖未聞見自然明了得名法師阿難時彼諸菩薩摩訶薩衆白放光佛言世尊所言陀羅尼門者義何謂也何等是陀羅尼以何義故復名爲門爾時彼放光佛告衆菩薩言諸摩那婆

諦聽諦聽吾爲汝說如此大地建立出生一切衆寶卽能任持又能出生一切藥草卉木樹林萃果種類悉皆任持又出一切小山大山諸池河水乃至大海悉能任持又亦能有四生之類二足四足人鹿鳥獸亦皆任持此陀羅尼亦復如是諸摩那婆所言門者卽是如來如來藏門出生一切諸法寶藏不可思議如是摩那婆此陀羅尼妙法門中出生一切諸修多羅一切章句一切分別義一切諸波羅密故名爲門摩那婆又陀羅尼者悉能任持一切法故亦名爲地佛告阿難時彼放光如來應供正遍覺說此法時聲

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

震世界上徹梵宮爾時閻摩境界及諸地獄餓鬼畜
生諸苦惱處聞此震聲皆大呼喚亦聞梵宮阿難時
彼大梵天王及諸梵衆聞呼聲已悉皆往詣放光佛
所問其因緣世尊向者呌聲從何所出阿難時彼知
來將欲說故卽便微笑先以神力令諸梵天悉見地
獄諸惡道中受苦衆生已然後語言諸梵天輩即是
斯等地獄餓鬼畜生飢渴所逼生大苦惱以苦迫故
發此呌聲於是梵天復白佛言善哉世尊以佛力故
令此衆生暫除諸苦少時安樂爾時彼放光佛卽從
眉間白毫放一光明遍照地獄餓鬼畜生閻摩等界

諸惡衆生滅除苦惱所有地獄變成園池是諸池中
妙水盈滿池有諸華所謂優鉢羅華波頭摩華拘物
頭華分陀利華池水香美清冷輕便乃至放光如來
入涅槃後法住半劫園池亦爾阿難爾時梵天問彼
佛言世尊何因緣故如來微笑而復放此白毫光明
佛告梵天我以念此地獄餓鬼畜生及閻摩界諸衆
生等過去業緣受是果報及本願故我便微笑又以
知此諸衆生等過業因緣墮三惡道亦知業因多少
苦盡時節故我放光爲作方便放此光時彼等一切
受苦衆生蒙光照身心得安隱各作是念此是佛光

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

以念如來惡業得滅亦蒙世尊慈悲力故捨諸苦惱尋得命終生於人間或生天上以是因緣令大地獄變成園池其水清冷妙華普遍爾時彼佛告梵天王梵天汝應善思如來方便不可思議以神通力放希有光能滅一切三惡道苦梵天如來世尊所言弘普如來所出故名如來應供正遍覺佛告阿難爾時彼諸菩薩摩訶薩衆復白放光佛言世尊如來前言陀羅尼陀羅尼門中有諸句義如來未說我今詰問唯願宣說令我等解阿難爾時彼佛告諸菩薩言摩那婆汝等欲聞陀羅尼門諸句義耶諸菩薩答言如是世

尊我等欲聞佛言摩那婆諦聽諦聽善思念之吾爲汝說諸菩薩言世尊我今一心唯願善說佛告諸菩薩言摩那婆此陀羅尼一法句中總攝無量億數修多羅是決定義當知如來一力所說無有邊際汝等亦得多種法門若使汝今隨方堪受我亦卽能爲汝多說復次摩那婆如來若當盡力說者少智之人尚不能受諸餘衆生況能宣說何以故諸佛世尊有無量威德力有無量精進行摩那婆如人善射心自思念我今若發必穿梵宮如是念已持弓執箭上射虛空而彼射矢尚不能至地天風界寧能遠及上界梵

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

宮何以故是無智人心不節量故摩那婆一切衆生亦復如是尚不能知如來智力乃至少分豈能稱量如來境界何以故諸佛如來阿耨多羅三藐三菩提無量力用難可測量故是故汝等但聽如來一力說也摩那婆如來有無量力若使如來盡力說者一切衆生則不能受亦不能持何以故摩那婆是諸衆生愚惑無智諸如來力無量無數同如虛空於是法中不能行故復次摩那婆我今爲汝更以譬喻顯示此義如此大地東西南北不可稱量如是摩那婆如來諸力無量數劫無量功德善根所熏以是義故不可

得知不可得量汝應當知此修多羅一句門中則能總攝無量修多羅句義也爾時彼諸菩薩復白佛言世尊云何無量修多羅方便入斯一句義耶佛言摩那婆一句義者所謂般若波羅蜜句若入般若波羅蜜現在前是名一切入是爲諸佛世尊不空法具足無缺若一心思惟無間念者如一舉手時卽得無量無邊波羅蜜義此智慧句則是陀羅尼根本句我今欲說陀羅尼邊際彼岸令得入是陀羅尼門是初入處不斷根本汝當敬慎莫起亂心一心謹聽正意思惟斷諸疑網我爲汝說阿難爾時彼佛如是說已於

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

彼衆中有一菩薩摩訶薩名曰燈明本是婆羅門種亦常隨彼放光如來而彼菩薩白佛言世尊先說陀羅尼根本一句中則能出生無量億數修多羅其義粗顯世尊而我未知何等是一句門惟願爲我分別解釋時放光佛告燈明菩薩言摩那婆汝等當知我今更以譬喻顯示陀羅尼義何以故此陀羅尼門邊際彼岸唯是諸佛最上勝妙不思議智之所證知非諸無明少智凡夫而能知也若凡夫知者無有是處如凡夫人唯知晝分是晝夜分是夜何以故以見日月光明故見日光故卽知是晝見月光故便知是夜

摩那婆於意云何彼凡夫智得言實不不也世尊何以故眼見非智故佛言如是摩那婆外光照故是諸凡夫說見爲智諸佛如來智則不然要因觀察然後說智摩那婆是故諸如來以自證智覺知實法如空中跡已然後攝他教導令知復次摩那婆汝曾聞不此根本義凡四十句是中最初句者其名曰阿當知此句攝餘三十九句皆入阿中摩那婆如是諸句攝入阿已凡是切世間語言及以義趣藥草林木乃至所有口業教誨音名說相種種諸類亦皆入中又彼一切衆生種類有足無足二足四足乃至多足飛

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

鳥走獸及胎卵等水陸之屬人與非人一切入中彼攝入已諸是口業方便語言音聲及以文字麤妙寬略說等一切皆從摩得勒伽藏字本中生字本爲首即是摩得勒伽藏之所攝也諸摩那婆譬如阿那婆達多龍王能於一彈指間興雲普覆七千由旬降微細雨遍闊浮提又如彼龍所住大池出四種河周流四方入於四海自餘小河陂池溝瀆隨須潤澤悉能充滿如是摩那婆是陀羅尼二法門中有無量億數修多羅彼一句義亦復如是汝當聽受聞已奉持普爲他說莫生祕恪汝等當知於此義中惡阿二字常

須相續隨順不斷恒念如來亦因語言教義具足滿彼諸波羅密復應當知不斷教義方便隨順義得增明故雖身有大闇散滅無餘如是方便不斷絕故增長佛法得開陀羅尼門心莫餘念莫作餘業唯念斯義莫捨此信獨坐思惟觀省分別若是若非與多聞者善共諮詢如來法教從虛空生應當隨順如來教誨復次摩那婆我之爲汝引諸譬喻方便顯示此陀羅尼一句法門如然少草爲明未設衆炬如秉一炬未懸千燈何以故我恐汝等心生驚畏是故今更爲一句門作諸譬喻摩那婆譬如有人至大海中取一

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

滌水於意云何此人少智知彼海水所未減不不也世尊佛言如是如是摩那婆汝等所聞如向一滌我所不說如未取水摩那婆汝等應當隨力聽聞吾爲汝說汝旣聞已嚴固其心如著大鎧然後可得入一句門了達無疑心不驚怖是名心鎧安固不動如彼諸根安於四大汝於如來言教方便次第信入亦應如是阿難時彼燈明菩薩摩訶薩復白放光如來言世尊阿迦者二字一義義既是一不可爲二如來於此二字無差別處而說是義以微妙難入故但方便說由先證知然後可說作諸譬喻然如來於彼說少

譬喻是中信根必定牢固阿難彼菩薩如是問已時彼放光如來告燈明菩薩言善哉善哉摩那婆汝已善知譬喻深義摩那婆汝於往昔生婆羅門家自解諸論禪陀等典復能教他無量百千種種句義分別諸論汝經論處最初言教攝入義者根本所從梵天中來汝婆羅門法有一句義名娑毗帝利者一切婆羅門咸作是念此一句法祕密微妙不欲傳他令外人知若他知者我等便爲失大利益汝等於是五種句義次第而入復須教人爲他演說如是摩那婆此譬亦爾皆從字本而生入陀羅尼說一句等智聚法

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

門因此得知自餘諸法平等無二於是字本應知十二因緣等法入陀羅尼法門方便如是當知一切智因緣中得入智慧法門爲首正信無疑當令汝等知真實義汝等莫謗阿迦二字二字方便亦不得捨汝取阿迦義時阿迦於汝卽入如來正教方便應當受持汝等若學此法要須六月事師從學言教得言教已復爲他說無有疑心卽能到於辯才言論文句彼岸又摩那婆或時有人以諸譬喻更問勝教或於阿闍梨及和尚所問已彼皆爲說聞已思惟從此句義言教成就成已卽能問上勝法然而彼人未速成就

大勝光明若於般若波羅蜜大句義中思求大智勝光明者是人於一彈指頃能解無量億數諸句義門決定了知無有疑惑復次摩那婆若有比丘比丘尼優婆塞優婆夷或天龍夜叉乾闥婆阿修羅迦樓羅緊那羅摩睺羅伽人非人等入此道分合十二因緣專念一事陀羅尼門法句阿迦二字相同虛空能善持者彼人如一彈指頃卽能受持二千句陀羅尼文義無有忘失摩那婆汝等今者勿疑是事此諸句義非魔眷屬所能得聞亦非魔黨堪行斯事若不能修習懷疑心者當知此是魔之所化

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

伏魔品第二

佛告阿難時彼諸菩薩摩訶薩衆及彼九億諸聲聞衆等皆以一心合十指掌向放光佛接足頂禮何以故以魔事隱密欲諮問故恐當來世有諸衆生不能得免微細魔事多受苦惱乃至不能讀誦受持一句一偈以是因緣諸菩薩等一心請問善哉世尊如此惡魔多作障礙滅諸善法非沙門法開未來世惡道因緣爲欲斷除諸魔事故唯願世尊演說如是陀羅尼門及其句義令彼未來諸比丘等聞佛所說不生疑惑解其義趣如法修行猶佛在世如是說故復令

一切諸衆生等得興供養恭敬尊重讀誦護持亦令一切沙門婆羅門若天若人及阿修羅等卽能尊重一心供養於一切多聞中發勤方便以多聞故於佛法中便得成熟既成熟已便能速證阿耨多羅三藐三菩提以是義故如來應觀未來世中衆魔怖畏爲此佛法而作護持令諸衆生悉得安樂阿難爾時彼放光佛聞是語已告諸菩薩言摩那婆以是義故汝等億數菩薩九億聲聞及彼無量天人大衆乃至有諸衆生於此法門或信不信一切皆應專心諦受聞已思惟普爲他說不應祕悟何以故若生祕心是人

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

即便斷滅佛法故若欲行者應當普說所以者何爲欲普現佛法光明勝妙圓滿故摩那婆佛法圓滿無諸過惡譬如日月光輪離諸雲翳清徹圓滿號爲明淨摩那婆諸佛如來法門顯現宣揚微妙亦復如是彼諸菩薩摩訶薩衆聞是說已卽白佛言世尊今正是時唯願如來宣揚顯現如是法門我當頂受阿難爾時放光如來卽爲宣說法句呪曰

多咥他一阿多隸二波多隸三波迦多隸四波迦襄
留篩五伽帝伽陀利六旃陀利七蘇陀利八何利九
韃虎甘波利十訶帝波囉陀訶帝十一波囉迦囉摩帝

十二伊低尼梯十三多梯阿毗多梯十四阿迦隸十五波曷耶
十六迦婆羅蘇曼十七阿波質利十八卑質利十九比遮拘致
禰二十迦那迦二十一摩犁遮泥二十二摩那婆婆低二十三
婆羅摩提多二十四阿那那羅二十五那訶禰耶帝二十六
那跋地耶四十七阿醯婆訶耶二十八毗沙婆耶二十九
摩奴沙婆婆訶耶三十薩利婆婆訶夷毗喻呼沒遮低
三十一阿迦舍三十二尼迦舍三十三那迦那舍三十四婆恒
伽三十五婆訶跋妬四三十六佛多羅毗三十七莎訶凡七
摩那婆是爲方便守護我說汝等宜應一心諦聽我今更聞過去諸佛所說陀羅尼典說此呪時彼三千

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

大千世界諸大魔王及其眷屬魔軍兵衆皆大呌呼
其聲亦滿三千世界阿難爾時放光如來應供正遍
覺念眉間白毫已卽從眉間放大光明遍照世界世
界所有一切諸魔及魔宮殿種種莊嚴盡皆闇昧無
復威光諸魔見已心大怖懼共相謂言此爲何相將
非我等壽命欲盡去離此耶爲當劫時將壞火災起
乎阿難時諸魔衆復共觀察見彼光明從放光佛眉
間而出心疑未了皆各相率往詣閣致大魔王所白
言大王今者光明誰之所有威力若是蔽迫我宮猶
如金山對於墨聚乃令大小諸鼓箜篌笳吹諸種妙

樂無復音聲又令諸天歌讚五欲歡欣娛適之事寂
然不起如重病者心無所爲令我宮殿喪失威光諸
事虛曠亦復如是阿難彼大魔王聞是語已告諸魔
言汝等知不今此世界有佛世尊名曰放光如來應
供正遍覺出興於世欲除魔業故放光明掩蔽我宮
奪我威力椽栱離散四壁圯開故令一切音樂歌舞
五欲之事自然無聲諸仁者汝等今日非但不知彼
放光如來應供正遍覺神通威德放一光明能令一
切魔宮音樂喪滅不現耶其亦不覺神通光明令諸
地獄皆悉空寂苦惱衆具變成園池其水涼冷清淨

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

輕便又於池內諸華充布所謂優鉢羅華波頭摩華
拘物頭華分陀利華園池樹木叢林鬱茂遙觀遠覩
若在目前魔王復言諸仁者彼地獄處所有衆生蒙
佛威力悉生人天受諸快樂無所乏少阿難時彼闍
致魔王最爲上首引諸魔衆詣放光佛至佛所已頭
面禮足右繞三匝在如來前合掌端身猶如畫像如
是阿難時放光佛問魔王言闍致汝今何故與無量
百千諸魔軍衆來至我所頂禮端默都無語言阿難
聞致魔王聞佛語已卽白佛言世尊我等今者有大
緣故與諸軍衆而來至此以見如來放眉間光今我

宮殿破壞分離音聲五欲心不樂著是故我等今皆
至此請問如來如是因緣世尊如來今者說陀羅尼
呪欲令諸魔不得安隱伏諸魔故亦爲憐愍聲聞弟子
沙門衆故世尊是故我等從今乃至盡形歸依佛法
大衆僧寶世尊我從昔來以愚癡故於佛法僧造
三業罪所有衆惡今對如來誠心懺悔唯願如來及
以大衆悲愍我等受我懺悔世尊我從今日如佛所
教聞悉奉行住正思惟不敢放逸

大法炬陀羅尼經卷第一

音釋

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

很 胡懇切 **跔** 津私切 **鞞** 駢迷切 **波** 波爲切
波 胡很戾也 **跔** 訪問也 **鞞** 鞞切 **粗** 坐五切 **陂** 波畜水日
迫 波都歷切 **跔** 與滴同 **鞞** 可亥切 **粗** 界也 **陂** 波都計
迫 波藏必袂切 **跔** 隱也 **鞞** 甲也 **粗** 博毛 **陂** 波都計
迫 迫博陌切 **跔** 逼也 **鞞** 力舉切 **粗** 部鄙切 **陂** 波都計
迫 迫博陌切 **跔** 楣也 **鞞** 切 **粗** 毀也 **陂** 波都計

金壇于門曹氏法名三造
賜亡母呂氏捐資刻此
大法炬陀羅尼經第一卷以資冥福計字六千
二百十五個該銀二兩七錢九分二厘
天啓乙丑歲冬十一月金沙顧龍山識

大法炬陀羅尼經卷第二

隋北天竺三藏法師闍那崛多等譯

授魔記品第二

阿難爾時放光如來告魔王言當致汝今乃能發大勇猛具足精進當固汝心勿違本志如護戒者自誓莊嚴心所願求莫不成就阿難時放光佛知諸魔衆精進淳固一切不退菩提之心以是因緣卽便微笑佛微笑已時彼衆中有一菩薩摩訶薩名爲月上此菩薩者亦是放光如來爲菩薩時同行善友常相隨逐時彼菩薩從座而起偏袒右鬚右膝著地合十指

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

掌白言世尊何因緣故而復微笑諸佛世尊凡爲微笑必有因緣若無因緣終不笑也唯願世尊爲我解釋阿難時放光如來卽告月上菩薩言汝今見是諸魔衆不月上答言唯然已見佛言摩那婆此諸魔衆見我眉間放大光明雖居欲界發寬大心以是因緣過恒河沙劫當得成佛皆同一號名無思光其佛住世大作利益若有衆生見彼佛者一切不退菩提之心作利益已入般涅槃佛涅槃後世界諸魔大興供具供養彼諸如來及聲聞大衆是諸魔等在諸俗人所住之處於其夢時隨所應見現種種形或現長者

或現居士或現沙門或現婆羅門或現梵王或現菩薩現如是等種種形已若彼衆生心懷迷惑爲說法要除其疑網因而告曰汝等捨家汝等出家如來世尊出於世間應受供養天人所尊能拔諸苦等與快樂我蒙佛故今亦獲安彼魔如是現大神通化諸居士優婆塞等增信歡喜然後說法教令發心尊重供養如來大衆發大誓願具修精進所作功德一切迴向無上菩提終不墮於二乘之地凡所教化唯勸修行六波羅蜜云何復有諸魔事也當爾之時一切衆生受大安樂如忉利天衆諸衆生中佛弟子者身心

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

安樂如帝釋天王爾時魔衆皆成佛已一切衆生等受大樂於彼刹土具諸香華皆如天上波利耶多拘毘陀羅樹華一切莊嚴無有缺減彼諸衆生乃至無有魔事恐怖何以故是時衆生無復亂心煩惱微薄不爲煩惱之所侵迫皆常一心念空無相無願法門於是法門發大精進修行無量空三昧行無願三昧行無相三昧行滅覺觀除睡眠斷掉悔離誼雜常樂空閑阿蘭拏處恒乞食但三衣無爲諍絕伴侶畢竟如是行菩薩行於諸佛法能決定知菩薩爲友無復恐怖師子虎狼諸惡猛獸毒蟲之類終不能害爾時

諸魔得菩提已此諸世尊及聲聞衆具足功德諸餘衆生不加謗毀無能降伏一切外道不能破壞一切衆魔不能違反能令衆生滅除恐怖遠離邪道心得自在爾時月上菩薩摩訶薩復白放光佛言希有世尊不可思議如來具足無量功德有大慈悲有大神力一眉間光能多利益佛告月上菩薩言善哉善哉汝能善知如來世尊智慧功德摩那婆如來如是具足大悲安樂利益諸衆生故如來如是成就說法欲令衆生如說行故於是事中誰能信解唯有諸佛及不退轉諸大菩薩摩訶薩等自外一切聲聞辟支佛

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

及四種人尚非境界況餘凡夫邪見外道生死惡魔行無智道入深黑闇無明穀藏行於非義住顛倒道迷失正路常樂非法不孝父母不敬沙門及婆羅門好遊邪徑破諸禁戒恒住如是諸不善法迷惑覆心習惡邪智一切外道常爲愚癡之所覆蔽不能信受諸佛正法又以嗔毒猛火熾然燒故於佛法衆不能和敬更相侵迫起諸諍事以是因緣速墮地獄畜生餓鬼具受無量百十大苦經於無量百千萬世設生人間或生旃陀羅家或生惡呪師家或生屠宰家或生竹作師家或生網捕家或生獵師家若或得生有

佛法世好與聲聞諸弟子衆恒起鬪諍既忿諍已增長惡業便能喪滅諸餘善事是故未來多受苦惱三乘行品第四

佛告阿難爾時放光如來復語衆菩薩言摩那婆汝等當念如來十力無有缺減具足威儀不斷所作善善能分別彼四聖諦方便教誨成就聲聞行亦當善說六波羅密勸進菩薩發行一切波羅密心受持信心修心行施精進牢固勇猛無諸虛偽如是方便入於智門汝等亦知三十七種助菩提法方便證得沙門果印又於十二因緣法勤修觀行成辟支佛或作

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

聲聞如是一切諸法相應不相捨離若行辟支佛者此是如來方便教誨顛倒說法示現此義是人出於無佛法世獨念思惟十二因緣得獨覺涅槃如是獨覺不同如來及與聲聞何以故是辟支佛思惟因緣得斷疑惑不從他聞自然獨悟又唯戒行清淨故事專求智力求智力故得不放逸到於智岸無諸佛法唯戒具足得入涅槃名辟支佛爾時月上菩薩復白放光佛言世尊以何義故彼辟支佛具足智慧然復不能說法度人既不能說云何而得於福田中勝聲聞也阿難時放光佛告月上菩薩言摩那婆此等過去

初發心時但取菩提之名而無勇猛不能修行檀波羅蜜戶波羅蜜羼提波羅蜜毗梨耶波羅蜜禪波羅蜜般若波羅蜜聞思修等悉不能行是故不能獲得如是無上菩提何以故於此法中初聞菩薩行六波羅蜜而不能行以不具行六波羅蜜故於一切菩薩法中不能諮詢又復不得樂難持戒非持無上大菩提戒但持中戒亦非下戒行中法故本願成就得中菩提名辟支佛摩那婆是故菩薩常應諮詢諸佛如來所說法要既聽聞已勇猛修行何以故菩薩不捨勇猛精進疾證無上大菩提故常修多聞發勤方便

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

亦常不捨求諸佛法遠離外道勿受邪法莫捨重擔
如善馭者諸佛世尊所說法門微妙密語應當奉行
復次摩那婆云何菩薩能入諸佛深密祕藏方便說
門繫念安住心既住已然後得入陀羅尼門月上菩
薩復白佛言世尊云何當入陀羅尼門佛言摩那婆
我已爲汝說是句義如從虛空生諸事業未曾斷絕
復應當知阿迦二字句義腳足是初方便隨順得入
十二因緣次第知已彼人雖更識餘法句皆因初二
摩那婆是陀羅尼方便法門普遍一切汝等若欲入
此法門應當發心於無量法中修習無邊善巧方便

摩那婆諸佛如來智無有礙於此法中云何障礙所
謂執著一切諸法摩那婆若諸菩薩摩訶薩若欲入
彼諸如來智先當自捨一切執著亦須遠離諸障礙
處善巧修行智慧方便阿難爾時放光如來復告月
上菩薩言摩那婆所言著處及以著者謂於諸有不
能捨離於無爲處未有智慧恒念受生及求生處皆
是無明作生有根本是故我說雖阿那含於生猶著
不能遠離摩那婆是中何等是大著處所謂不能順
教修行於餘事中顛倒讚述斯由財事愛取因緣不
得自在違佛正教作不應作於諸境界發起貪心貪

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

心生已誑惑他人姪他妻妾復起瞋恚瞋恚發已或時殺害斷他命根亦因愚癡邪心覆蔽顛倒取法若常樂與極重惡人而作伴侶以是因緣造作種種諸不善業或殺父母及以師長或害羅漢及諸聖人或毀諸佛或謗正法或行破僧造作如是諸惡業已生於極惡非人之處墮破戒中何等名爲墮非人處摩那婆我已爲汝略說斯事如彼愚人專樂惡業以是因緣生於惡趣是則名爲非人處也摩那婆智慧之人應當善知諸佛如來微密妙語

問法性品第五

佛告阿難時彼衆中有一菩薩摩訶薩名曰無畏本是醫方救世家子昔常與彼放光如來共相親友時放光佛於大衆中直視觀察無畏菩薩無畏菩薩既蒙顧已遂於佛前偏袒右膊右膝著地一心合掌以是世尊未成佛前同意親善復蒙瞻察是故兢兢於世尊所唯增敬重心無疑慮但欲請問放光如來修多羅藏法性虛空陀羅尼門甚深義處阿難時放光佛知無畏菩薩欲問如是甚深句義即告之言無畏汝今何故住在我前心生惶懼不速問也阿難無畏菩薩聞佛告已卽白佛言世尊我誠欲問如來大義

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

是以我心豫生憂恐何以故於此大衆有諸衆生聞
是法已於諸佛法不能悟解亦無敬信或起誹謗退
沒善根世尊我知衆生有如是事故不敢問阿難時
放光佛復告無畏菩薩言無畏汝但詣問如來應供
正遍覺出現世間隨汝心疑當爲除斷是爲一切諸
如來業何以故如來正覺慈悲憐利益一切諸衆
生故以是因緣我於往昔行菩薩時爲此法句具受
衆苦況於今者所作已辦一切諸法明了通達得一
切智證大菩提唯爲安樂諸衆生故阿難爾時無畏
菩薩聞佛語已白言世尊如來今說一切諸法同於

虛空應當證知是故我今欲問斯義世尊言虛空者
義何謂也與修多羅一切法門異相云何阿難時放
光佛告無畏言善哉善哉汝於今日爲求法故於佛
法中問如是義無畏夫虛空者名爲如來亦名應供
正遍覺也無畏復問以何義故名曰虛空無畏復言若
虛空者卽無所有以無所有故名虛空無畏復言若
言如來即虛空者如來虛空云何二別佛告無畏是
爲大智所行境界難知難證若能解知則於法性三
世平等無復疑惑無畏若欲窮盡陀羅尼門甚深源
底者如彼大池水性清淨底有金沙與土泥合時有

56789 80 123456789 90 123456789 100 12345

智人取池底沙隨其多少聚之一處以水洗濯簡取
精者內於鑪鍋置之火中用功陶鍊是人不久必除
沙石得淨妙金堪任爲用彼人爾時隨意造作餘莊
嚴具靡不充足如是無畏如來世尊應供正遍覺離
貪瞋癡滅除塵垢一切煩惱及諸習氣成就清淨無
礙智慧出過一切四生衆生天人大衆最爲第一世
稱上首擊大法鼓口自唱言仁等可來汝諸衆生或
起疑網無有智慧闇於諸法或於世間出世間事不
能解了或時一切天龍八部乃至無量億劫已來所
有疑心迷倒失正造作諸業墮墮諸有不能自出此

知亦不可說有無名字無畏若有虛空不依事現者
則無名字以依事故得有名字與事和合入於數相
無畏復言世尊何等虛空與事和合則有名字入於
數中佛告無畏汝寧不聞而今此身依止地界地依
水界水依火界火依風界如是四種及與識界悉依
空也無畏白言唯然世尊我皆已聞佛言無畏是謂
虛空依止入於數中此卽如來爲諸凡夫譬喻方便
開示教授因於名字令其得知是故名爲虛空依止
復次無畏若智慧人思惟觀察而能知者此平等注
世間普證但有名字如是知已彼諸智人復欲教他

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

令得實義摩那婆有智之人應當思惟如來自證爲衆生故說此法門摩那婆我已爲汝隨順分別應知如來方便於我所說受持念誦思惟義理如法修行如是修已過去所有功德願行皆得增長成就具足所以者何如來先已爲汝等說一切諸法無有去來是故如來所言真實無有虛妄爲欲利益諸衆生故分別顯示是最勝法隨其所應皆得具足若言如來有所言說不能顯示是大乘法願行不具者無有是處菩薩應思非我境界復次摩那婆如虛空界名曰可行衆生依住如彼衆鳥飛行虛空翱翔自在

如履於地雖以翅力及風因緣往來遊處而跡不可得摩那婆復有衆生依空界住如須彌山頂三十三天已上諸天宮殿皆依於空而得安住乃至梵天他化自在欲界諸天所有宮殿依空亦爾摩那婆如彼色界從梵天住處乃至色究竟天依於空住亦復如是摩那婆如我略說自此已上盡於有頂名無色界從有頂外無有依止虛空行者唯有一種別風輪界厚六十八千由旬過是以徃更有空界卽是二界中間亦無依處摩那婆從是已上復有風輪名曰不動厚六十四俱致百千由旬任持水界彼風輪界無有

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

衆生往來依處何以故彼空及風各不動搖故而彼
空界不可見知無有名字不可得說摩那婆汝今當
知我所說法如彼虛空無有異也復次摩那婆譬如
有人夜中闇坐執持弓箭漫射虛空以闇發故不知
方所如是如是摩那婆一切凡夫愚無慧目又不師
受雖修業行無諸方便不得成就亦復如是摩那婆
又如生不學射雖擬埠的尚不能中況前無垛云何
言著摩那婆是諸凡夫於甚深法自心分別捨離師
誥不能解悟亦復如是摩那婆汝前問我二種義者
所謂虛空平等諸法此三種法雖難說聞我知是處

等速來問佛世尊如來皆能爲汝說法明了顯示斷
除疑惑復次無畏譬如明鏡見諸色像如是無畏如
來世尊無有惡行詣曲煩惱穢濁嫉妒諍競垢汙淤
泥染著唯有無礙無邊智慧辯才所可示現言教方
便皆爲開發世間衆生一切皆從虛空所出住於虛
空語言教詔講說談論猶如虛空離諸染著無有住
處無有邊際亦無有對及以語言復次無畏若有人
來作如是問如是虛空云何可說何處有說誰能爲
說對何而說以虛空性本來清淨無垢無染離諸障
礙無畏如來亦爾無言無對無染無著離諸障礙如

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

此言說即是入於虛空三昧無畏譬如涅槃本性寂靜假以無量言辭演說求其體相了不可得如是無畏汝所問我虛空義者先已宣說如此說者當知即是如來方便微密法要若知如來微密教者是則名爲得大利益汝等當思如來何見說何等法是如來性復說何等是如來智同於虛空今於如是如來教中方便略說無畏我今復以種種譬喻喻如來智或以涅槃或以實際然而彼智及與涅槃俱無可說無有分別無相無念無名無字去來現在三世皆無乃至世間一切諸法亦同涅槃不可思說當知是中實

無凡夫能得知見言凡夫知者無有是處但諸凡夫以愚癡故自心所見言我證知今我已說了義法句及無證處如是所說不在彼此不在兩間是平等中無證知者既於三世去來現在斯皆平等不可證說云何而言是誰所說對何而說何處有說云何可說復次無畏如來世尊於彼已說汝當觀察言教方便應善思惟既思惟已節得成就無量脣聚無畏佛智無邊不可思議凡所攝受亦不可思議開不言教應善分別亦當思惟前所問者即此義也復次無畏我今問汝隨汝意答汝謂一切後身菩薩從何所來而

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

處胎耶無畏白言世尊我知菩薩從兜率陀天降入母胎佛言無畏今重問汝汝善答我於意云何是後身菩薩從天來者有所取法而入胎乎無畏答曰不也世尊非取法故入於母胎佛告無畏如是如是一切諸法皆無所取但從妄想分別故生汝於如是分別法中既以三事請問於我何謂爲三一問虛空名義有無二問虛空諸法同異三問虛空平等無差無畏如汝所問何者虛空如是虛空有依止耶無依止乎無畏復問實有虛空可依止耶佛言無畏亦有虛空是依止法若凡夫人見有依止若離依止則不能

有所依止亦非依止摩那婆汝問諸法平等今當解釋汝應善思前以譬喻顯示虛空諸有智者知此譬喻言教方便示現平等遠離依止言說分別故又如空界無邊佛法亦爾如是法界皆依平等無有別異如彼虛空無有依處法與非法亦無依處當知是中悉皆平等彼虛空譬方便示現此乃但爲智者所知非是一切凡夫境界彼諸凡夫執取一相不善分別不能了達妄想取故智慧之人於此深法乃能了知作利益故而諸凡夫妄生執著於深佛法不信不解不詰智人於世間事妄起分別執著不捨所謂此即

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

是地是水是火是風等如是乃至分別取著諸天宮殿住處往來及取地天諸龍夜叉緊那羅摩睺羅伽地居之類又亦分別諸佛如來初成道時大聲說法彼等聞已卽於地中發大聲言佛生說法天人增道其聲上徹色究竟天皆說如來轉法輪事摩那婆世間之人以愚癡故執著此事著是事已如乘空輪作大車想凡夫取著其事若此復次摩那婆譬如有人希求射術無師就學雖苦身心終不成藝如是摩那婆三法亦爾若不方便施功修習難可證知摩那婆如是三法如來若說終無有盡若一劫若十劫若百

劫若干劫若無量劫亦無有盡如來於此劫數時節多少增減隨意欲說種種名字種種義味卽能解說然於如來口業言教亦無有滅此三句義爲是億數諸菩薩等得受持故是句義處如來或時於一句中能以無量種種名義差別解說若此法句及所攝義乃至字本所有出生語言音聲是色法者假令於是三千大千世界盡除土地山石草木東西南北上至有頂悉爲虛空不能容受設此世界滿中芥子有時取一盡諸芥子以如來辯演說一句亦不能盡乃至少分摩那婆汝等當知此一句義陀羅尼門其有必

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

能善受持者於一彈指頃盡能分別摩那婆此句義
門終亦不可以言說盡假使無量衆生起種種問然
是菩薩盡分別答喻如流水以心不亂故此陀羅尼
名爲大事能爲一切諸法根本故言陀羅尼此一法
句出無量句是大總持通說諸義何以故欲令一切
衆生易受解故又以一句難解知故引多譬喻方便
言辭令人得悟如是諸法悉不可見自體本空達難
語言故摩那婆若諸菩薩初發大心欲行大事大事
者謂大乘法然此菩薩空發其心不問不修終無成
辦摩那婆如行聲聞乘者雖聞三十七助菩提法無

意念修卽自唱言我得羅漢所作已辦如是摩那婆
若有欲行佛法事者應發是心如須彌山安住不動
隨順修行

菩薩行品第六之一

阿難爾時無畏菩薩復白放光如來應供正遍覺言
快哉世尊大慈愍我及餘未學諸衆生等如我無異
父母然我今者於佛所說更加尊重不敢毀謗爾時
放光如來告無畏言如是如是摩那婆如汝所說若
有菩薩於如來所起尊敬心不斷絕者一切世間天

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

人衆等於是菩薩亦深敬重如是菩薩於我法中大
弘利益何以故如是菩薩住諸佛法順於佛教當來
之世大作佛事是故如來知此菩薩爲佛法器堪受
一切諸佛記證方便令彼速得成熟無畏菩薩復白
佛言世尊所言極愛義何謂也佛言摩那婆我言極
愛卽是顯示哀愍世間無救衆生教入佛法令不斷
絕以是義故如來說言是爲大事是大重擔無畏復
問菩薩久如當捨此擔佛言無畏此菩薩作是念我
要當令一切衆生度生死海入無餘涅槃若衆生盡
者此擔方息無畏復問所言重擔若同世間頂戴背

負則可見知今不如是云何可信佛言摩那婆如汝
所言在頂體者是謂世間愚夫力負非菩薩擔菩薩
擔者誓願荷負一切衆生出離世間非頂背也無畏
復問悲願荷負既非頂體以荷義故名之爲擔佛言
摩那婆如東方一切無邊世界所有衆生菩薩發心
荷負悉當令入無餘涅槃南西北方四維上下盡虛
空界所有衆生菩薩安處亦復如是摩那婆十方所
有諸衆生界若現不現菩薩皆令住涅槃中以是因
緣名之爲擔無畏復問以何義故復名荷負佛言摩
那婆譬如長者家內豐饒多諸珍寶種種資財倉庫

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

充溢具足僮隸唯有一子然彼長者於是子所心常
愛念終不暫捨見其所爲亦無違逆以愛念故財寶
樂具悉給與之無有疲倦如是摩那婆菩薩摩訶薩
憐愍衆生亦復如是一切樂具盡皆與之乃至令人入
無餘涅槃是故名爲荷負重擔如是菩薩愍諸衆生
行大精進亦令衆生行菩薩事速疾成熟諸波羅密
亦滿自身精進莊嚴無畏復問何謂成熟佛言摩那
婆所言成熟者是謂菩薩於諸衆生起大慈悲與究
竟樂離自憂惱是名成熟又於諸佛不生謗毀常加
讚歎亦名成熟無畏復「若如是者諸佛如來於衆

生中最爲殊勝皆由憐愍諸衆生故佛告摩那婆我
言成熟者謂於一切善法具足圓滿乃名成熟摩那
婆譬如陶師欲造諸器先取好土雜以石沙用水和
治手揉足踐令泥精熟堪任爲器置諸輪上執杖轉
輪極令迅急以手搏拍隨作何器坏皆成就何以故
以泥先調故而彼陶師將諸器坏或置日中或在陰
處漸令乾燥然後更以雜色塗之暴令牢實或積陶
中若聚平地兼取薪糞晝夜焚燒於是陶師與其眷
屬周遍觀察遞共防守不令惡人挾持青豆及以胡
麻擲置陶中毀壞諸器比達天明火勢方盡器皆成

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

熟此時陶師方大歡喜却坐思念衆器得成我事已
辨如是摩那婆如來常教諸菩薩等次第修行六波
羅密欲令成熟亦復如是

大法炬陀羅尼經卷第一

音釋

殼 切苦角 **馭** 牛倨 **搏** 補各切 **內** 諾合切與納同入也 **鑪** 鍋胡切落
冶鑪也 **鍤** 古利切 **趨** 矢之兌切 **壇** 射的也 **捺** 丁果切 **捺** 射捕也 **捺** 而
禾切溫器也 **鳥翼也** **撻** 手擊也 **遞** 徒計切挺 **撻** 挺也 **拍** 拍普百切 **拍** 也 **遞** 更迭也

金 **檀** 于門曹氏法名三 **滿** 道人奉爲亡父曹三
陽亡母呂氏捐資刻此 **法** 大法名三 **滿** 道人奉爲亡父曹三
炬 大法炬陀羅尼經第二卷以資冥福計字六千
陀 六百九十五個該銀三兩零一分三厘
羅 天啓乙丑歲冬十一月金沙顧龍山識
尼 大法炬陀羅尼經第二卷以資冥福計字六千

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

大法炬陀羅尼經卷第三
隋北天竺三藏法師闍那崛多譯
菩薩行品第六之二

復次摩那婆我先已說教諸菩薩方便修行諸波羅蜜攝衆生法凡教授菩薩令不退轉有二種波羅蜜何等爲二所謂精進波羅蜜般若波羅蜜諸佛世尊復爲世間說餘四波羅蜜更爲諸餘衆生說助菩提法方便成熟故摩那婆汝等當知彼四波羅蜜中檀波羅蜜尸波羅蜜此二波羅蜜與彼聲聞辟支佛乃至外道五通神仙共同行故摩那婆若羼提波羅蜜

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

者此唯阿羅漢成就捨事故其禪波羅蜜者此中總說能生六波羅蜜故摩那婆此諸波羅蜜如來如是差別說之汝等當知一切諸法虛空所生相同虛空摩那婆若此前上二波羅蜜地彼聲聞辟支佛二乘聖人尚不能成就何況外道神仙諸餘凡夫也摩那婆若菩薩欲成就此二波羅蜜者應當一心念勤精進摩那婆若人欲思如來譬喻巧說辯才應先學觀此陀羅尼門無畏復問我等云何當能成就此陀羅尼觀耶佛言摩那婆我今爲汝更以譬喻顯示此義令易解知摩那婆譬如漁人生子以貪利故早教其

子水底潛行於嬰孩時卽取器水日三沉之不令致困如是漸沒從旦至暮能訖一日在於水下或經二日或三日若十二十若一月乃至一年住於水中而能不死然彼小兒漸漸長大卽入大河觀是河中所有水族衆生品類了了分明是兒後時身雄氣爽觀水明利遂能入海大海之中多諸異類奇蟲怪獸巨魚妬龍毒物雖多終莫能害又見衆寶清徹分明非餘凡人所能瞻覩是人於是是在大海中具取珍寶造作衆事凡有所欲隨意卽成如是摩那婆菩薩摩訶薩若能入是陀羅尼甚深法門則能成辦一切佛法

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

亦復如是摩那婆言大海者卽陀羅尼門若初入此
陀羅尼門應當修學速令成就如漁人子漸漸長大
習業成就摩那婆若是菩薩能入陀羅尼佛法海中
自在成辦一切佛事如漁師子處大海中建種種事
摩那婆汝應當知諸佛菩提不可以少行少緣而能
成就要須入此陀羅尼法門於此陀羅尼一句義中
有種種音聲種種語言種種辯才種種方便無方便
處悉皆能知有諸衆生心行差別亦皆能知又復衆
生或現不現或可見或不可見皆從陀羅尼句方便使
力中明了證知或天龍夜叉乾闥婆阿修羅迦樓羅

緊那羅摩睺羅伽人及非人乃至禽獸四生種類或
音聲或語言或心慮事或作業事或誓願事或無願
事或多事或少事或惡事非惡事或怖畏事或無怖
畏如是等事皆悉了知於此作處一切悉知乃至授
記事或身業或口業或衆生業或爲自身或欲教他
悉皆能知若菩薩在阿蘭拏學方便行卽得成就所
作善根所爲事業乃至欲成不退轉事亦悉能知云
何得辟支佛果亦悉了知云何得聲聞果地亦悉能
知或在家諸人種種事業語言或盜他財惱他求財
若麤若細亦皆能知或地獄餓鬼畜生心意倒錯行

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

惡不信故生畜生等中亦悉能知或以業行墮餓鬼
中亦以詔曲慳貪嫉妒我慢貢高因緣故生阿修羅
中或因五戒十善業故得生欲界人天之中自過生
悔不見他過總說如是諸方便智他作他受自作自
受一切四生衆生及五道處所有造業方便及業名
字業相成熟及受報處種種心行種種言說種種忍
樂種種諸見無善法處如是等事盡皆拔除是故名
曰陀羅尼門摩那婆若必有能如是行者是則名爲
方便成就摩那婆若以自智慧力決定成就此事者
當獨坐思惟遠離諸欲摩那婆如是法中有種種音

聲種種語言種種辯才種種行種種生處種種作
業汝當諦聽善思念之受持奉行莫令忘失天人作
事方便和合故有語言畜生衆生種種口業音聲差
別乃至生處名字亦殊彼等衆生皆悉隨其形類音
聲而置名字以名其身如鳥雀等而彼餓鬼衆生之
中無有決定差別名字何以故彼中不得聞名依止
故亦如地獄中唯言地獄衆生等摩那婆汝等勿謂
天定天也人定人也餓鬼定餓鬼也摩那婆我已爲
汝總略說訖今當爲汝具分別說名字義處摩那婆
如一事有種種名如一人有種種名如一天乃至餓

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

鬼畜生有種種名亦復如是亦有多餓鬼全無名字
於一彈指頃轉變身體作種種形摩那婆如是衆生
於一時間現無量色身云何可得呼其名也若餓鬼
等有生處名字受食名字及壽命名字若地獄衆生
無有名字生處者則其形亦無定彼中惡業因緣未
盡故於一念中種種變身爾時無畏菩薩復言世尊
如是人中語言相承近習我等已知而彼四道衆生
言音名字云何可識是故我今請問世尊唯願解說
阿難彼無畏菩薩如是問已時放光佛告無畏言此
是諸佛菩薩神通智慧境界非諸聲聞辟支佛及餘

菩薩智慧所能分別也摩那婆若菩薩不知衆生言
音則不願生彼衆生中若菩薩解知一切衆生言音
及諸事業便願生彼欲覺悟彼說法教化墮宜利益
故摩那婆如是菩薩以知衆生言音心業故於處處
諸有受生欲令衆生發解修行斷諸業故摩那婆於
彼三道有知故可化二道衆生中無知解故當知菩
薩亦不願生彼也摩那婆若菩薩摩訶薩必知地獄
餓鬼衆生中有知解可化者如是菩薩爲一衆生
故住大地獄中經恒沙等劫要令衆生得彼法利摩
那婆諸菩薩摩訶薩成就如是大慈大悲成就具足

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

如是精進故必定當得三十二相摩那婆是爲如來
略說菩薩慈悲因緣也

相好品第七之一

阿難爾時無畏菩薩摩訶薩復白放光如來言世尊
唯願爲我具說菩薩成就諸相無有缺減又復如來
應供正遍覺先爲我等說波羅蜜方便教菩薩行我
等未解是故更問此波羅蜜世尊波羅蜜者義何謂
也如是問已彼放光佛告無畏菩薩言摩那婆所言
波羅蜜者不可度量不可數知無有邊際故名波羅
蜜又波羅蜜者最爲尊勝一切凡夫一切聲聞辟支

佛等非其境界故名波羅蜜如汝所問波羅蜜句有
如是義所謂無有數量故言波羅蜜無畏復言如世
尊說無有量故名波羅蜜我今現見行檀波羅蜜但
依資財及以己身是既有限云何無量佛告無畏菩
薩言摩那婆於意云何汝今知彼凡夫人心取著何
等而行布施耶世尊我知凡夫取著於事而行布施
佛復問言何謂爲事無畏言世尊我知現在諸陰是
名爲事佛言無畏汝謂諸陰是事耶汝應諦思如來
所說然後答我莫如世間凡夫所見摩那婆汝今若
取陰爲事者於五陰中何者是事爲色是事耶受是

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

事耶乃至想行識等是事耶摩那婆是等諸陰不名爲事何以故本性空故汝今云何取爲事也復應當知如來方便總相說此五陰諸法事非事耳摩那婆諸凡夫人於五陰中取和合相故復執著十二入等凡夫如是縛著世間所謂取著眼是爲縛如取著眼如是取著耳乃至取著鼻舌身意等斯爲大縛以能分別取著諸事無邊執持密緻牢固深入故無畏復問世尊所言縛者是復云何佛言摩那婆復有六縛處能縛衆生故名爲縛何等爲六謂如眼色爲縛是諸凡夫著此處已難得解脫諸欲因緣墮於惡道生

死相續故名爲縛如是乃至意法爲縛以意思念故卽願求稱意之所故名爲縛摩那婆如是菩薩摩訶薩等以諸善根清淨故則得成就三十二種大人之相而我今者更爲汝等說清淨善根成就相法若諸菩薩摩訶薩唯修一善根便能成就一大人相若更具足清淨一善根然後成就三十二相無畏復問諸菩薩等修一善根云何當能成就三十二大人相時放光佛告無畏菩薩言摩那婆汝今不應取彼諸相爲如來也何以故汝寧不聞轉輪聖王成就衆相乎無畏答曰我聞世尊佛言摩那婆而彼輪王實具衆

5 6 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

相而不能證無上菩提亦不名佛是故汝等莫謂衆
相爲如來也摩那婆若菩薩摩訶薩取彼衆相著彼
衆相者當知是人未離我相及衆生相也摩那婆是
故菩薩不以成就諸相成就色等爲不著也摩那婆
夫佛菩提者無有著處無有想處無有說處無有合
處非如世間諸凡夫人於相法中歡喜執著摩那婆
以是義故汝當諦聽吾爲汝說修諸相法摩那婆若
有成就一善根已更立誓願必當具足三十二相無
畏復問何謂一善根也佛言摩那婆若有菩薩摩訶
薩捨家出家於修行處忽見世尊舍利塔廟將欲破

壞卽作是念今此尊塔我若不治便成毀壞如是
已遂行乞食旣得食已然後求人以已供施請令治
塔告被人曰此是如來舍利寶塔福田尊重今成毀
敗汝爲丈夫氣力康健我當與汝共營斯福作是言
已隨辦所須卽事治補如是菩薩自忍飢餓以食惠
人尚輕已身況重餘食更發勝願口唱誓言我今希
有成就寶塔此功深厚豈愛一食以貪食故世間著
我旣求造我寧當念食我今唯應如是精進於諸飲
食捨念著心如是菩薩以食施故莊嚴塔故發誓願
故便得滿足三十二相摩那婆若諸菩薩摩訶薩等

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

以斯次第具足當得三十二種大人之相如彼菩薩修治如來舍利塔故是菩薩身卽得成就三十二種大人妙相莊嚴亦爾摩那婆若菩薩摩訶薩成就心業則能具足滿菩薩道何以故摩那婆一切諸相皆是心業如彼造業當發願者亦得如是諸佛菩提而不可見摩那婆復有無量微妙善根可分別說具足種種無量方便無量心聚而諸善根應速成就但諸如來亦爲憐愍諸菩薩故不具說之所以者何是中有諸菩薩聞是事已心生恐怖以恐怖故便有退心以退心故不能速證不退轉地於不退轉菩薩功德

不成就故卽便違背是謂菩薩捨本願已隨宜願樂住彼聲聞辟支佛地如是人等漸次違背以違背故於此法門無有愛心唯得成彼世間之業而彼因復造作種種諸不善事墮於地獄餓鬼畜生輪轉往來備受生死以是因緣如來見此諸菩薩等及未來世恐怖過故不具足說諸善根事但隨順說彼所堪能應受行者除彼見實及佛法中得決定者若佛如來見諸菩薩於佛法中未得決定終不爲彼具說善根復次摩那婆汝當聽是三十二種大人相法我當更說諸餘善根爾時無畏菩薩復白佛言世尊何等名

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

爲三十二種大人相法如是衆相有現不現然此會衆有鈍根者尚未得聞三十二種大人相名何況能解唯願如來憐愍衆生具足演說三十二相衆生聞已得了是義於如來所生尊重心因此速證大般涅槃阿難時無畏菩薩如是問已放光如來應供正遍覺告無畏菩薩摩訶薩言摩那婆諸佛如來凡有三十二相三十相現二相不現摩那婆今宜諦聽吾當爲汝辯明諸相現不現義摩那婆如來有十相在足摩那婆如來復有六相在手摩那婆復有四相在髀復有二輪相復有四相在頭摩那婆復有四相遍諸

身體摩那婆諸併如來有如是等三十相現餘有二相不顯現者所謂馬陰藏及舌濶長相復次摩那婆如來今當更爲汝等分別如是諸相功德摩那婆如來有七處滿相兩手兩足兩髀及頸等摩那婆如來有綱緹相在手足指摩那婆如來有白毫相在眉間猶如月光有四十齒相寬長舌相及住大功德相如是舌根辯諸言音具足宣說復有目不瞬相摩那婆如來手足二十指爪如赤銅色薄如蓮華光澤分明勝於餘色摩那婆如來膚足跟相赤如華葉塵水泥垢

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

不能點汙摩那婆如來髀蹕端直牢固猶如金剛經
途近遠終無波極摩那婆如來身金色相勝於一切
無能動搖摩那婆諸天宮殿紫金所成取是紫金如
芥子許勝諸七寶滿闇浮提如是摩那婆若以天紫
金聚滿如來前而佛常光令天金色悉皆暗昧無有
光澤摩那婆譬如日出諸螢火蟲光明悉滅無能見
者如是彼天金光非日能蔽唯佛常光乃能蔽耳如
是摩那婆汝等應知諸佛世尊如是分別顯示諸相
復次摩那婆如來今當分別諸相善根因緣汝應一
心正念無亂調伏諸根攝耳靜住勿念他事欲得勝

智莫隨餘緣生慇重心發希有意於如來處起至誠
心應善分別諸相功德當於如來應供正遍覺前諦
聽諦受其兩足下千輻輪相一一相中放千光明於
彼兩足所蹈之處此光明網直至下方所有世界彼
中衆生見是光已生希有心起尊重意於彼如來應
供正遍覺前辯論法相彼佛復告無畏菩薩言摩那
婆是爲如來足輪相光功能力用遠至他方教化衆
生令發善根汝當諦聽我今分別彼諸善根成就之
事摩那婆若諸菩薩爲佛世尊於山林中造經行處
除諸瓦石掃灑治飾以柔軟草敷置其上既成就已

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

經

大法華經疏卷三

三

佛二

奉獻如來如是菩薩若見如來在彼經行或見往來或見宴息隨意威儀如是菩薩若見如來足千輪相徹過草下分炳地上妙如蓮華衆光莊嚴如是菩薩見此相已則於已身無慳惜想所以者何今此如來有如是等圓滿相法希有之事尚不憚惜況我此身穢惡充滿屎尿盈溢皮裏血塗筋肉骨等更相纏縛九孔常流瘻膿臭處是不淨聚諸蟲所居云何我等不速離如是菩薩發精進心求菩提分成就輪相心口稱讚入無相法如是菩薩晝夜思惟便生歡喜以歡喜心卽念如來或在經行或坐或立或入禪定

如是菩薩分別此已復作是念我今不應取著諸相若有菩薩不取相者則離我想及衆生想菩薩如是思惟此已則能具發無緣精進復次摩那婆菩薩摩訶薩云何得發無緣精進摩那婆如空中風無有方所是風不住東方及於餘方如是不住卽名無住旣無所住云何可名無畏白言如是世尊實無可名佛告無畏若法無名云何可說無畏復言是無相中亦無可說佛告無畏若無相中不可說者云何有念若無念者卽無所有若無所有云何有入旣無入處云何有陰及與諸大若無陰大云何有有若無有有云

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

何有生若無有生何有生處若無生處云何而有名色諸相摩那婆若無諸相卽是無相無相爲相者是名無我摩那婆若人能作如是說者當知卽是不退菩薩何以故善說無相行於無相故摩那婆如來輪相成就如是次第分別諸善根義復次摩那婆於意云何後身菩薩菩提樹下坐於道場獲三明時證何等法復以何義名爲證耶無畏白言世尊彼時證者見已法身故名身證具足明力斷除無明離無明故爲衆生說是諸衆生遠離大智爲彼無明愚闇所蔽是故如來以諸明慧及無畏力知諸衆生爲彼無明

黑闇所覆我慢貢高所渴瞋恚闇諍所燒顛倒失心
盲冥無目被他所使違背正道破壞正念迴復妄行
迷惑亂心深入邪徑是故如來爲說八道告諸衆生
汝等皆可乘此正路安意而行是道無畏安隱快樂
能相應者攝取大利若有衆生行此道者皆與無邊
大利相應及諸菩薩法行精進世尊菩薩摩訶薩發
如是心斷諸疑網然後乃證阿耨多羅三藐三菩提
阿難彼放光如來告無畏菩薩言善哉善哉摩那婆
汝今乃能隨順如來方便說也復次摩那婆如來二
手掌中有千幅輪相寬大分明成就二相善根因緣

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

汝等諦聽我今當說摩那婆若諸菩薩現處居家有
教誨師實阿羅漢諸漏已盡所作已辦如是羅漢真
爲法師能如實說諸佛正法雖常法施而不求報如
諸漏盡無所著故後時彼師遇二重病一者上吐二
者下痢篤病既久身甚羸弊如是菩薩於彼師所常
生希有尊重之心覩師患苦專念求治晝夜孜孜未
曾遠離右手承吐左手除糞雖多臭穢無厭惡心菩
薩如是愛師命故手持衆藥內師口中以羸瘦故藥
不能下菩薩親用兩手摩捫扶抱將侍終日乾乾乃
至除愈菩薩以是躬自摩洗師長功德善根因緣故
於手掌內輪相分明若諸智人見彼菩薩供養師長
生希有心令彼比丘重病得減或有諸人發心聽法
於聞法時起尊重心如法師說隨順奉行復令多人
皆得聞法具足歡喜如彼菩薩盡命報恩一心求治
師病除愈以如是等善根因緣輪相具足無有缺少
摩那婆此手輪相善根因緣我已說竟復次摩那婆
如來體有三輪滿相善根因緣汝等諦聽我今當說
摩那婆若有菩薩於如來滅後覩佛正法垂欲滅壞
時此菩薩起大悲心發勇猛志斷除世務捨家出家
與諸外道而作怨敵何以故爲欲建立住持正法守

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

護正法攝受正法欲令正法得久住故正法增長故
是故菩薩獨以一身必欲摧伏一切在家出家諸人
及外道等故於國王大臣無量衆中種種方便稱揚
讚說諸如來名亦說功德勝妙之事又說空無相願
一切法門復說正念諸餘善根降伏一切諸外道等
如是菩薩建立荷負諸佛正法善根因緣成就具足
三輪滿相是相微妙悉能照曜一切世間見者歡喜
若有衆生聞諸如來衆相願時當生敬信復應慶喜
摩那婆是爲如來以一善根攝諸功德成三滿相復
次摩那婆如來諸指網縵相者猶如鷲王間無缺漏

薄如蓮華三畫分光明能令衆生見者歡喜如是諸相
善根因緣我今當說汝宜諦受如我過去無量劫中
修諸善根爲成就此一切智故摩那婆若有菩薩摩
訶薩處大王位國富民繁凡諸庫藏莫不盈滿事業
宮殿盡皆充足是菩薩王國化之內種類衆多農賚
工佑及諸仕類或境內衆或他國來皆懷瞋毒共相
論說或時忿諍各有怨心詣菩薩所辯訟求勝菩薩
爾時見彼衆生瞋覺所惱爲救解故以自在力而誨
責曰汝等衆生勿得鬭諍夫鬭諍者豈爲人法是畜
生事而諸畜生癡恚亂心故求鬭諍共相觸或相

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

薺蹋更相伺便互相殺害即是地獄衆生惡法汝諸衆生勿學地獄勿貿畜生造諸惡業汝等皆應歸依如來歸依法僧盡形不殺受持五戒我攝受汝以我攝故令汝今身常受安樂捨此身已則生天上如是菩薩知諸衆生捨諸惡事各相慈愛無復惡心在佛塔前卽便授與三歸五戒教導皆令斷惡生善如是菩薩以能和合衆生善根業因緣故成就如是網縵等相摩那婆是爲如來手足網縵善根因緣我已說竟復大摩那婆如來指爪直長纖密無有疎減成就因緣我今當說汝等一心莫念他事摩那婆若有苦

薩摩訶薩所在諸方或獨坐思惟或與衆談論以無餘念心常歡喜如是菩薩凡處世間隨何等類卽能同彼而行教化於彼衆若復賊盜若旃陀羅若獵師若屠膾復有造作諸不善業菩薩悉能隨類覺知以悲愍故爲說法要先教衆生遠離種種諸不善事及以惡心然後教令合十指掌口唱是言我今歸命世間所有尊重福田應受供者爲物出現智人所讚所謂諸佛如來應供正遍覺及有正法僧寶之處我皆等發無量敬心如是菩薩化彼無量諸惡衆生皆令迴心修諸善業以是因緣成就妙甲猶如赤銅指

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

直纖長軟密光澤摩那婆是爲如來指爪諸相功德
因緣我今說竟摩那婆汝於是中當深敬信摩那婆
若諸菩薩或時爲彼善行衆生經無量劫說法教化
或復有爲不善衆生一時說法乃至一彈指頃所得
功德非復前比何以故摩那婆如來常說有人少時
供養如來敬事尊重卽便爲彼智者所歎復次摩那
婆如來應供正遍覺成就身紫金色善業因緣汝等
諦聽我今當說摩那婆如來在世若諸菩薩爲聽法
故詣如來所諮詢如來大乘經名菩提行法時佛世
尊默然不答起而游行適至一所寥廓艱險唯多禽

獸無有人民不見城隍聚落居室乃至無有樹林衆
草設欲停憩無有敷施時此菩薩常隨佛後不憚危
阻共入磧中值天布雲震電大雨時彼如來衣服盡
濕菩薩覩此增敬重心遂自解衣奉覆佛上乃至雨
止取衣暴曬還自服已從佛而行世尊因此始爲菩
薩說大乘經名曰身願時彼衆中有詣曲菩薩及以
初學出家沙門或未具戒如是人等衣鉢資須隨時
趣足無諸積聚清淨身心卽得正念喜悅充滿菩薩
爾時得聞經已於菩薩衆及比丘前具爲解釋大乘
經典教除詭曲及破戒心緣此善根得是果報獲金

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

色身何以故以能滅除破戒誦曲垢及不惜身解衣
覆佛是故後時身紫金色映蔽世間而能久住摩那
婆是爲如來身真金色善根因緣我今說竟

大法炬陀羅尼經卷第三

音釋

緻直利切瞬舒閏切膚膚閏切膿丑恭切跟古痕切髀切股
也也蹕市究切輻方六切筋舉肢癰於容切捫莫奔
也也薺𦵹五結切蹠陸也祇都禮切相相輒而充切憇杀也
去制切憚徒案切蹠七迹切瘡渚中磧有石曰磧暴薄木切
暫息也暫息也憚畏難也憚畏難也磧有石曰磧與曝同

金壇于門曹氏法名三滿道人奉爲亡父曹三
賜亡母呂氏捐資刻此
大法炬陀羅尼經第三卷以資冥福計字六千
三百八十二個該銀二兩八錢七分二厘
天啓乙丑歲冬十一月金沙顧龍山識

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

大法炬陀羅尼經卷第四

隋北天竺三藏法師闍那崛多等譯

相好品第七之二

復次摩那婆如來有常光相成就因緣我今當說汝等諦聽無令心亂摩那婆若諸菩薩於如來所凡有造業終不虛也假使發心莊嚴修行莊嚴資財莊嚴作如是等諸莊嚴事發心備辦於如來所種諸善根即得具足一切世間無能勝者諸煩惱垢不能染汙復次摩那婆如來世尊如此常光假使世間所有一切日月光明不能覆蔽乃至諸天所有光明亦不能

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

障蔽復次摩那婆假使大梵天王放大光明普照三千大千世界如是梵光悉能覆蔽世間所有日月光明除如來光餘無能比復次摩那婆置一梵光假使東方恒沙世界諸梵天王盡放光明以衆梵光合爲一光可謂極大以此大光置於佛前如來常光皆能覆蔽無復遺餘復次摩那婆置衆梵光假使十方恒沙世界諸梵光明如來常光盡皆覆蔽亦無遺餘摩那婆諸佛如來於一切時唯有常光自餘奇光無緣不放何以故佛若常放殊異光者世間則無日月星辰晝夜時節晦朔茲望乃至無有春夏秋冬及以歲等是故如來要待因緣然後放光彼常光恒在以住持故摩那婆如來光明寬大無量功德微妙修行善根得是安樂復次摩那婆若有菩薩發心修行捨家出家歸佛世尊正值如來始坐道場將成等覺卽往佛所頂禮尊足立住一面瞻仰如來作如是念世尊有教我乃敢坐時彼如來結跏趺坐菩薩立住經於七日欲爲未來無上道故過七日已時佛世尊從菩提樹道場處起告菩薩言汝真丈夫欲學諸佛行耶汝善丈夫欲受佛語隨順佛教汝今乃能於我座前立住七日都無睡眠汝捨無常不牢固法欲求常住

經
大法華經卷四
二
使四

等是故如來要待因緣然後放光彼常光恒在以住持故摩那婆如來光明寬大無量功德微妙修行善根得是安樂復次摩那婆若有菩薩發心修行捨家出家歸佛世尊正值如來始坐道場將成等覺卽往佛所頂禮尊足立住一面瞻仰如來作如是念世尊有教我乃敢坐時彼如來結跏趺坐菩薩立住經於七日欲爲未來無上道故過七日已時佛世尊從菩提樹道場處起告菩薩言汝真丈夫欲學諸佛行耶汝善丈夫欲受佛語隨順佛教汝今乃能於我座前立住七日都無睡眠汝捨無常不牢固法欲求常住

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

同虛空身能求此者真爲丈夫汝今已入諸佛法中
 若諸菩薩欲決疑網當如是學亦如是行摩那婆此
 是如來常光初修善根因緣若有菩薩在菩薩地初
 見如來爲一切衆生請佛說法欲修行清淨諸功德
 故修行清淨戒行故修行清淨禪定故修行清淨布
 施故此菩薩修諸功德勝一切衆生修行善根摩那
 婆是爲如來常光功德善根因緣我今說已摩那婆
 譬如幻師手持幻寶真珠瓔珞莊嚴化人凡夫覩見
 莫不皆言此爲實寶唯有智者知其非真如是摩那
 婆如來常光善根因緣唯諸如來及彼不退菩薩摩

訶薩等信能成就如是善根諸餘衆生非其境界無
 能信者若人於此懈怠懶惰不能修行成就善根云
 何能得無上菩提大智相好如是衆相尚不能求寧
 能證會微妙甚深無相法耶若諸菩薩於最後身畢
 竟通達甚深法時卽能令此三千大千世界大地六
 種震動一切魔宮諸天世人皆大恐怖四散馳走如
 來昔日坐道場時以手按地大震出聲一切魔軍悉
 皆破壞及諸外道邪見毀謗於佛法僧乃至一切非
 法違諍語言心想盡皆摩滅摩那婆以是因緣菩薩
 摩訶薩在於道場震地破魔滅諸違諍然後方證生

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

死智明摩那婆是爲菩薩摩訶薩以無畏力震地出聲未成佛時已住持法及本願力故一切所有十方諸佛皆亦護持道場菩薩復次摩那婆如來福德善業因緣故身毛上靡其色紺青如孔雀項如是功德不可思議汝等諦聽我今當說摩那婆一切衆生隨心清濁若聞如來應供正遍覺成就諸相及以隨好種種功德兼諸願行能至心聽彼諸衆生於念念間增長功德無有損減摩那婆過去之世有辟支佛既證果已在阿蘭拏獨處空閑遠離聞見少欲知足是辟支佛身患瘡苦時有在家菩薩詣辟支佛所頭面禮足退住一面合掌白言唯願大德受我明朝所設供食時辟支佛報菩薩言我今身瘡周遍若是豈能赴汝明朝供食在家菩薩聞此語已復言大德唯願去衣我暫觀視辟支佛聞已即便解衣告言仁者觀我此身我以先世餘業報故令我今身瘡苦如是仁者於意云何身瘡若是堪應供不菩薩復言大德是瘡應須合藥塗治今所須藥名旃陀羅那此藥希有難可合和而我今當躬往求辦若得此者瘡必除愈皮肉可生身早平復時辟支佛報言仁者審能如此欲相存濟願爲速求時彼菩薩即便還家以衆藥物

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

和合令成置寶器內持至辟支佛所頭面禮足白言
大德是妙良藥我今奉獻唯願納受早用塗治辟支
佛報言仁者當知無明爲衆苦本菩薩爾時親自持
藥塗辟支佛身以殷重故令辟支佛苦痛卽除於三
日中三遍塗治衆病斯愈平復如故摩那婆而彼菩
薩以是因緣今受果報身毛上靡紺色柔軟摩那婆
是爲如來身毛上靡善根因緣我今說已復次摩那
婆如來應供正遍覺有眉間白毫相大功德聚善根
因緣我爲汝說摩那婆譬如夜闇無有月光於意云
何彼夜已闇無月光明得爲善不無畏白言不也

尊佛復告言摩那婆如是如來眉間毫相猶如月輪
光明普照是故名爲大功德聚功德聚者饒益世間
令滿足故摩那婆是名大擔云何大擔以大慈悲平
等荷負名爲大擔亦名非擔復以何義名爲非擔雖
能荷負無荷負相故何等名爲無荷負相實相無爲
離有爲相故是故名爲無荷負相何謂荷負彼有爲
故摩那婆言有爲者即是天人地獄畜生餓鬼及阿
修羅諸輪轉者無畏復言世尊以何因緣是等流轉
佛言以渴愛故受諸有生如是渴愛無明爲本是故
我言貪愛爲母無明爲父往來輪轉生老病死受種

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

種苦憂悲共會父母妻子眷屬宗親死別離時衆惱
纏縛莫能解脫以如是等諸苦煎迫爲無明愛之所
覆蔽長夜輪轉不可覺知以是因緣諸菩薩等見彼
衆生常受大苦更以無明起諸邪見增長無窮生死
果報菩薩知已起大悲心欲度彼故遂求如是大智
方便身心勇猛發大精進爲證阿耨多羅三藐三菩提
提無取著法成熟一切諸衆生故無畏復問世尊何
等名爲無取著法佛言摩那婆無著法者謂大涅槃
若有取著則常輪轉往來生死受種種苦若離取著
能滅苦源菩薩如是不取著故具足成就三十二相
復能爲人說無住法摩那婆我今問汝汝當正答於
意云何彼月輪光依何而住無畏言世尊依大地住
佛復問言地依何住曰地依水住復問水依何住曰
水依火住復問火依何住曰火依風住復問風依何
住曰風依空住復問彼空依何而住曰虛空無相無
有依住佛言摩那婆以是義故彼月光明亦無所住
無畏答言誠如聖教月輪光明實無依住佛言如是
如是摩那婆一切諸法皆無所住而諸衆生橫於如
想行識皆有住相如是諸陰有住相故乃至十二入

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

十八界等皆有住相如陰入界有住相故乃至地水火風空識皆有住相如地水等有住相故及與彼身皆有住相如是取色與身皆生住想已於一切有身處皆有住想如色身一切諸法皆有住想摩那婆若有菩薩能學如是離住想者當知是等增長實慧光普照猶月盛明則能成就眉間曰毫莊嚴已身亦能圓滿一切衆相摩那婆我今爲汝說真實義若能於此離著清淨卽得圓滿一切衆相以得法故心無高下由是業緣得是眉間白毫相光不增不減摩那婆汝當正念今爲汝說斷無明智汝等若知無明智

者卽不造諸行諸行不起則名色不生名色不生則一切諸相皆不可得摩那婆如生育者被他問言汝頗曾見轉輪聖王子柱殿乎設有是問盲何所答彼若答言我曾見者甚爲虛妄何以故旣曰生育本無所見云何能覩千柱色也彼若答言我不見者當知彼問亦爲虛妄何以故彼若有眼可問其見彼旣無眼問何用爲摩那婆於意云何彼生育人是一種語何者爲實無異答言世尊如我所解彼生育人言不見者是真實說佛言摩那婆汝已解知本不見色名曰生育而有目者方問於盲汝見殿不豈非虛妄假

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

使無智之人實有是問然彼盲人欲何所說摩那婆
前已告汝今復引喻汝等當知如來方便微妙密語
復次摩那婆諸佛如來二相不現所謂陰藏及與舌
根是一相者爲功德聚我今當說二相功德善根因
緣如是摩那婆若諸菩薩愍衆生故發大誓願欲生
如是諸畜生中代彼衆生受種種苦或生師子猛虎
惡象之中或生鴻鴈孔雀諸鳥之內既受雜類禽獸
身已卽得最勝不思議力得勝力已堪忍衆苦所謂
繫縛鞭打楚毒殺害是諸食獸或在人間或居山野
或遇獵師諸放牧人或值種種樂行殺者而彼彼等

行惡衆生常求作業備這衆惡更以種種苦具因緣
方便加害或以力稍弓箭或以瓦石推杖或用網羅
羈縛或持繩索脣繫或以籠檻或以坑穿或以毒藥
或以幻術乃至種種惡風暴雨若恐若驚於如是等
諸苦惱中愍彼衆生悉能堪忍然此菩薩荷負如是
大重擔已發起增上精進熏修以是因緣陰相不現
亦成舌根復次摩那婆有人發願未必能行如是菩
薩願行相隨以本願行皆具足故雖受種種諸畜生
身而能堪忍衆苦不捨精進爲諸同類種種說法教
化安處令住法行是故獲得舌相不現兼復成就陰

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

卷一

大藏經卷之三

八

傳四

藏相故復次摩那婆如六頂相肉髻圓滿一切天人所不能見譬如衆蜂遊處諸華所謂優鉢羅華鉢頭摩華拘物頭華分咤利華愛玩耽著不能捨離日沒華合諸峰不現摩那婆如來如是頂圓滿相祕密精微天人莫覩善根因緣我今當說若諸菩薩供養父母奉事師長深敬諸佛及與法僧三乘聖衆尊像塔廟五體投地至心頂禮以此因緣獲得如是不見頂相具足圓滿復次摩那婆如來頂上肉髻光明我今當說令汝知解摩那婆譬如秋天十五夜月光輪圓滿無諸雲翳衆生觀者莫不愛樂如來如是頂上光

明晝夜常現蔽日月光以是義故如來頂髮光螺右旋端嚴可愛摩那婆頂光明相功德善根我今當說菩薩往昔有二善業何等爲三一遠離嫉妒隨喜教示二爲他作時不求果報三不壞損他以成己善菩薩昔日自行是業亦常教人如是修行以是因緣得如是報所謂天人不見頂相及坐道場證菩提果摧破魔軍伏諸外道摩那婆菩薩往昔有餘願業一者護法二者善說言護法者所謂法欲滅時菩薩於中方便護持令法久住以此因緣復得頂相言善說者菩薩爲彼比丘比丘尼優婆塞優婆夷宣說法時若

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

彼四衆乃至一念爲諸煩惱覆障因緣不得正聞不能正受或雖聞受而復忘失如是菩薩於彼四衆或時隨順重復演說教令憶持或時呵叱發如是言何故散心忘我所說菩薩如是方便引導要令解知無復時節凡所生處悉能如是濟度衆生荷負重擔復能勇猛不捨精進緣此善根得四念處得念處已得歡喜智得此智已悉能覺察過去現在未來所修三世善根乃至一切生死因緣總相別相略說具說略具等說隨諸因緣各差別說種種諸事無量作業若等若勝上中下品皆能演說生死處所一切天人地等若勝上中下品皆能演說生死處所一切天人地

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

經

大法師阿難經卷四

佛口

遍覺告無畏菩薩言摩那婆若有菩薩摩訶薩於知來所正信不壞如是菩薩信具足已爲彼無量貪欲衆生演說法要令除欲心彼諸衆生旣聞法已棄捨欲事修於梵行精勤護持終不毀犯以梵行故恒無病苦摩那婆汝等當知多欲之人身體羸瘦顏色損減衆人見之不生愛念壽命短促能令身心無有歡樂以貪欲故遠離梵行乃至不得生天人中況生上界禪定妙處多生地獄畜生餓鬼諸不善趣隨流生死往來輪轉常與貪俱摩那婆若有衆生修持梵行現身歡悅顏貌熙怡體肉充實筋骨休強菩薩如是等聞佛所說皆大歡喜

四念處品第八

阿難爾時放光如來應供正遍覺說是法已從師子座安詳而起卽以佛眼觀察十方還復本座結跏趺坐入於師子奮迅三昧放大光明遍照十方無量無邊一切世界爾時十方無量無邊一切世界大梵天王及諸梵身梵輔梵衆天等皆作是念希有世尊今

經

大法師阿難經卷四

七

更四

5 6 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

忽入此師子奮迅三昧放大光明我等天衆咸可往
 請放光如來應供正遍覺所問其因緣爾時諸梵天
 王各與梵衆上至淨居下及六欲并諸魔天將諸魔
 衆各從住處往詣闍致大魔王所到已問言闍致大
 王今何變異而有此光闍致答言仁等當知此是放
 光如來應供正遍覺入大師子奮迅三昧之所爲也
 如是說時從地居天上至有頂皆悉聞聲旣聞聲已
 悉共往詣放光佛所爾時復有轉輪聖王名祭火光
 前後導從大衆圍繞有八萬首領八萬象乘騰空而
 往放光佛所到已頂禮退住一面爾時三千大千世

界諸衆生等聞彼天聲咸皆驚歎發厭離心各作是
 言何因緣故有是音聲必當如彼諸梵天言放光如
 來入師子奮迅三昧也阿難爾時放光如來知諸
 世界天人大衆皆悉集已念欲說此陀羅尼經卽告
 無畏菩薩摩訶薩言摩那婆汝今知是一切世界大
 衆盡集咸共一心無餘念不無畏答言世尊我今悉
 知大衆盡集咸共一心不念餘事佛復告言汝云何
 知大衆一心不念餘事耶無畏白言我承世尊威神
 力故見是三千大千世界所有衆生若天若人若龍
 若阿修羅乾闥婆等大衆斯集不念餘事不作餘業

56789 80123456789 90123456789 10012345

唯以一心在此衆會我皆見彼彼亦見我此彼相知
 心想不亂世尊先入師子奮迅大三昧時佛神力故
 令一切衆悉見過去所作業緣是諸衆生先世修福
 願生天上或生人間或作惡業生於地獄畜生餓鬼
 或能修集出世善根所謂求聲聞果及辟支佛果或
 時願求無上菩提諸佛大果造作種種無量善根或
 復修行諸波羅蜜所謂檀波羅蜜乃至般若波羅蜜
 如是種種無量善根此諸大衆佛力故知如是阿難
 時被闍致魔王於大衆中從座而起一心合掌復白
 放光佛言世尊如佛前說此諸魔衆一切多是不退

菩薩如世尊說過去諸佛說過去事我如實知如世
 尊說往昔所修功德善根我如實知如世尊說過去
 所發大誓莊嚴我亦念知皆無忘失世尊我於過去
 諸佛世尊一切智所恭敬尊重奉事供養起卑下心
 莊嚴大施如是憶念如是見知猶如淨鏡明見面像
 世尊我今分明見過去事亦復如是阿難爾時彼大
 衆中有梵天王名眉間白毫住於佛前爲聽法故不
 復餘念聞此魔王說不思議希有之事問魔王言聞
 致汝今頗知自身往昔所修行願善根以不若汝所
 修善根戒行必清淨者云何今日更生魔宮而爲魔

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

業闡致報言梵天汝不知我過去因緣今生魔界作魔王乎梵天然我自知於往昔日修福不精持戒不潔以我所修不具足故今居魔界作魔王耳如我往昔所有因緣蒙佛力故明了皆見仁者諦聽我今當說梵天乃往過去無量劫時有佛出世號曰名稱如來應供正遍覺時彼世尊有四萬億大聲聞衆皆阿羅漢復有無量大衆皆是學人復有十四億大菩薩衆梵天我於爾時爲求法故遂恒事一比丘法師而彼法師實是菩薩今在此衆明了見我我亦見彼梵天我於爾時爲彼徒衆隨逐不捨而彼法師慈悲具

足心常憐愍利利婆羅門毗舍首陀一切大衆故遊行國邑及諸聚落皆爲班宣種種法要所在大衆既聞法音皆大歡喜至心敬信諸佛法僧於彼法師復加尊重以尊重故大與供養所謂種種衣服飲食湯藥房舍臥具牀褥帷帳乃至一切資生之具凡是所須悉皆奉上然是法師一切不受唯納食飲及以衣服量身趣足亦不過受爾時大衆復於我所生敬愛心送往迎來禮拜承事盡虔供養唯不施我資生之具我於爾時心懷妬恨於法師所發如是心云何獨蒙種種利養反更不受而我希望都無所獲又於大

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

衆及四輩所復起是念何故偏心以諸所須供養一人不施我也我念往昔於法師所唯有此業更無惡心毀謗諸佛以是忿嫉業因緣故今生魔界作魔王耳梵天我於往昔若不值遇放光世尊發大誓願求菩提者當於地獄畜生餓鬼往來流轉無有窮已梵天是爲我說往昔因緣佛告阿難爾時眉間白毫梵天白放光佛言世尊唯願演說此修多羅一句法門本願因緣世尊若得聞此一句法門者則爲已說無量億數修多羅義世尊我等今者皆願樂聞佛口所宣一句法義何以故大衆咸集樂欲彼法故亦是如

來入彼師子奮迅三昧威神力故阿難爾時放光如來卽告白毫梵天言梵天汝欲聞是一句義耶梵天且置斯事汝應先問此第四門菩薩行法梵天汝頗曾聞二十七助菩提法不梵天白言聞也世尊佛復問言汝云何聞梵天言我曾聞有四念處法佛語梵天且勿復言我方欲說四念處法而汝心中決定知是四念處者汝云何知復云何修梵天言世尊四念處者非身受心法耶佛言如是梵天汝復云何觀察身行梵天言世尊我見是身從頭至足不淨充滿九孔常流臭穢可惡甚於糞屎世尊我觀是身唯見此

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

事佛言如是如汝所觀卽身念處梵天復言世尊而我心中愚闇少智無有光明不能遠察是以今日於如來所更求諸阿難爾時放光如來卽舒右臂真金色手摩彼衆中一童子頂此童子者幻家之子年始八歲聰悟超常旣蒙摩頂卽從座起詣如來前合掌恭敬而白佛言世尊今日如來親摩我頂非無因緣將必尊我深勝大利是故如來手摩我頂如是問已阿難時放光佛語童子言汝知人乎童子白言我知世尊佛言童子汝若知者爲知生耶爲知死乎曰生死俱知童子若如是者夫彼男女壽命終已或經

一日乃至七日如是死屍香臭云何曰是氣極惡不可忍聞童子如是臭氣誰所持來從何而至曰是可惡氣無有持來亦無來處如是阿難爾時放光如來告梵天言梵天汝見童子向所說不如是問者當以何答如是答者爲實爲虛梵天汝先亦言是身不淨唯有臭惡難可見聞梵天我於是中亦有斯念如童子言汝說亦爾有何差異梵天是爲略說第一念處阿難時彼白毫梵天復白放光佛言世尊一切諸法佛爲根本佛是法母一切善法佛已得之善哉世尊今是句義我皆樂聞唯願解釋如佛所說我如是持

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

今此大衆亦皆信受佛告梵天有四念處何等爲四所謂身受心法云何名爲身念處耶身念處者謂觀四大和合假名爲身何謂四大夫四大者即是地界水界火界風界是等四大和合共成梵天於意云何如是地大爲香爲臭梵天白言世尊無香無臭佛言梵天自餘諸大爲香爲臭天曰如彼地大無香無臭水火風大亦無香臭佛言梵天汝今云何作如斯說此身如是種種不淨臭惡盈滿非倒說耶梵天白言世尊比丘云何觀身念處佛言梵天我亦不爲諸比丘等作此說也梵天復言世尊若我所說四念處法

非隨順者比丘何緣觀身不淨佛告梵天如是比丘見有身相由取身故彼非正想何以故梵天若四大聚合成一相者即是假想若有假想卽非正想若非正想是則名爲福伽羅想梵天是故我此四念處義不如是說今我說者說若無邊四大非有若見四大和合一處共成此身是亦身見彼必不得如實想見梵天若有比丘見身念身覺身是身以見念故彼不能得解脫世間及有頂處是故若觀身念處者見身非身也梵天如來亦說汝諸比丘觀察此身卽是隨順涅槃之道是名觀身正念處者梵天夫念處者有

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

經

大般若經卷第

便四

二種義何等爲二二者念義二住處義云何念義當知是念無有違諍隨順如法趣所平等遠離邪念無有移轉及諸別異唯是一心入不動定若能如是名爲念義言住處者心所依法是內證義隨身業事現前知故壞無明網如觀身相如是得見身念處法云何觀身不著身相如是觀身若不著者如覺身證覺身證者身相可知如說身念乃至一切諸入門中亦復如是若能如是觀於身相不生身想則入平等第一念處如是念處應當依止復次受心二念當知一義若念此心則知是受若念是受亦不離心云何爲

念所言念者意行於事如是受念卽是心業是故受念爲心業事是心作事有無量種不可稱計和合因緣隨順世間同行於事所攝入者一切皆生五種有處彼五有生入和合已名爲麁溫亦名牢強亦名苦擔如是種種觸受相依作有生事應如是知梵天是名隨順世間心行次第依止十二因緣念念相續無有斷絕復次梵天如來所說正念處者卽是出世勝妙光明亦是如來分別智義無量無邊虛空所生隨順趣向大涅槃路爲諸菩薩證一菩提能生種種順義精進能滿智慧所作業行諸法平等猶如虛空梵

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

天當知二念處義我今說已梵天第四法念處者開涅槃城此是如來甘露法門亦是諸佛如來法藏亦名光明破除黑暗法相平等性同虛空梵天白佛云何證知同虛空性梵天復曰是義云何梵天我先不說一是無有語言梵天復曰是義云何梵天我先不說一切諸法同虛空耶若有人能如是知者是則名爲觀法念處梵天若人於是內外諸法如虛空住當知彼人解脫諸有

大法炬陀羅尼經卷第四

音釋

稍

所角切
兵器也

羈

居宜切
繫之入

縛

切綁也

胥

古法切
繫也

穿

疾政切
陷也

猝

也

於計切
蔽也

叱

呂栗切
呵也

禪

如欲切
懶也

金直于門曹氏法名三滿道人奉爲亡父曹三
陽亡母呂氏捐資刻此
大法炬陀羅尼經第四卷以資冥福計字七千
二百零七個該銀三兩二錢四分三厘
天啓乙丑歲冬十一月金沙顧龍山識

5 6 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5



大法炬陀羅尼經卷第五

隋北天竺三藏法師闍那崛多等譯

四聖諦品第九

佛告阿難爾時放光如來復告眉間白毫梵天言梵天汝今將非自以具足辯才問斯義耶汝豈不知此菩提門順諸聖諦乎梵天言世尊云何名爲順於聖諦佛告梵天可不用此諸助道法與彼聖諦和合相應耶梵天復言世尊如來所說四聖諦者即是諸佛隨順次第而說無異一切菩提覺法佛如是說已佛復告梵天言汝知佛說四聖諦不梵天言世尊我亦

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

少知四聖諦義佛言梵天汝云何知四聖諦義梵天
 言世尊我所知者謂苦聖諦苦集聖諦苦滅聖諦苦
 滅道聖諦世尊我如是知四聖諦義佛言梵天汝言
 苦諦其義云何梵天言世尊我親從佛聞如是說非
 此五陰名苦諦乎聖人觀察除斷我見證彼無我以
 證知故見此五陰如賊如怨即便捨離五有生處世
 尊我如是知苦聖諦義世尊若我不聞佛所說者我
 終不能作如斯說何以故如是義者唯佛證知非我
 境界所有疑惑唯佛能斷所以者何唯佛能知一切
 諸法無障礙故如佛所說我如是知世尊我今欲聞

四聖諦義唯願世尊爲我解釋何故名聖云何名諦
 佛告梵天所言諦者名之爲實實名一體聖名方便
 方便證知故名聖諦梵天復言世尊云何名實佛言
 梵天所言實者名順隨義汝當諦聽善思念之吾今
 爲汝分別解說梵天汝知諸阿羅漢得漏盡時所捨
 事不梵天言世尊我不能知諸阿羅漢得漏盡時所
 捨之事梵天諦聽吾爲汝說於有漏法一心厭離不
 文生死是名爲捨是名漏盡亦名畢竟畢竟捨故住
 彼實中一切捨故名之爲實梵天所言聖諦即是五
 陰當知五陰是苦因緣是故五陰名爲怨賊一切聖

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

人如實覺知故能捨棄以是義故名苦聖諦是故世尊說此五陰爲衆苦本名爲怨家亦名欺詐聖人觀察如實知故名爲聖諦復次梵天言集諦者是無知滅此集滅者是佛世尊爲諸賢聖方便而說此若實者無有是處何以故梵天所言集者即是虛妄若是虛妄則不名滅所言滅者則非虛妄非虛妄者是爲聖諦言聖諦者謂阿梨耶阿梨耶者名知五陰聖人諦知諸陰非實是故能捨名爲聖諦以捨著故名般大怨所有集者當知非實若見集生是爲常見若見集滅是爲斷見諸佛如來作如是說非集非滅是爲

聖諦此卽名道道者所謂真實之道卽諸聖人深達五陰應如是知復次梵天趣求義故名之爲道梵天當知譬如有人作是思念我於過去作何等身我於過去作如是身彼二種念則是虛妄更復思惟我於過去從何所來我於過去曾如是來亦爲虛妄梵天當知一切諸法皆是分別無有真實亦復如是是則名爲清淨道也

忍校量品第十

阿難爾時彼放光佛復告眉間白毫梵天言梵天此陀羅尼法門寬大無邊今當爲汝開顯初門菩薩行

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

法少分之事當知如來方便密教梵天譬如賚主爲求寶故欲入大海於先積集種種資裝所謂船櫂帆檣生熟餌糧凡是海中供用諸物咸悉備之置於海岸唱如是言誰於今日欲入大海求諸所須以除貧乏若有能者宜同此行時衆多人爲求利故若十二十乃至百千俱願入海時大賚主見衆已多卽自思念是大衆中其有身羸力少怯弱小心不堪經險難與從事我應遣還如是思已遂宣告曰諸人當知今此大海深濶無邊不可期以時月歲數而勉迴還方復海中有八大難何等爲八一者惡波二者旋流三

者摩竭四者鯢魚五者諸餘大魚六者夜叉羅刹七者惡風八者惡龍如是八難難可過度脫當逢遇船壞命終誰能堪忍無怖畏者宜於今日共處此船若疑不堪荷負險阻各隨意還衆人聞已多卽還散如是梵天今此衆中有無量人聞此陀羅尼甚深法門寬大無邊心生驚恐作如是念此陀羅尼但說一句無量歲數尚不能盡若具說者誰堪聽受如是無量無邊衆生或生退心或起種種愚癡惡邪煩惱障礙輪轉生死如是梵天如來世尊爲欲增長彼等衆生諸根欲力亦令成就不退轉心故如彼賚主見諸賚

56789 80123456789 90123456789 10012345

人怯弱不堪慮其敗壞明說海難乃至命終諸恐怖事遣還本所梵天當知彼大寶主能有如是密謀深智大方便力如來亦爾以大方便爲此億數諸菩薩衆欲開發彼無量無邊億那由他不可思議大智慧忍而諸世尊所有不思議大智慧忍之所行處但爲阿毗跋致菩薩摩訶薩說令得成就不退轉忍如是甚深大功德忍一切衆生無能知者唯除深樂大乘法者彼當能住如是忍中爾時眉間白毫梵天復白放光佛言世尊彼忍何故名爲無量無邊也佛告梵天是忍功德不可算數故言無量不可窮盡故言無

邊諦聽梵天譬如此闍浮提周遍充滿無價衆寶於彼須彌山頂復有一摩尼珠名曰威華以此滿闍浮提無價衆寶與彼山頂一威華珠本非稱量寧可爲比復次梵天置無價寶假使此威華寶滿四天下彼須彌頂復有一寶名釋迦毗楞伽以四天下滿威華寶亦不敵彼一毗楞伽也復次梵天置威華寶假復聚積彼毗楞伽上至有頂猶亦不如補處菩薩更有妙寶名曰寶精此寶能爲補處菩薩諸莊嚴具隨彼菩薩凡所受用欲入胎時而於母腹先爲宮宅菩薩然後從天降入受最後身如是菩薩福德力故感得

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

此寶生身常用菩薩身大寶亦隨大是寶能成無量福聚從初發心乃至十地諸功德聚是寶所生梵天嘗知如是勝寶過於一切世間出世間勝功德力所生之寶復次梵天彼出世無價功德大寶集大善根開發教化勝出衆寶云何名爲大功德聚及大善根如是梵天彼最勝上功德善根者我先爲汝說此法門一句之義無有價量無有算數出世勝寶差別說已復次梵天又以無價最勝寶故今更引喻梵天譬如此闍浮提除去諸山及衆瓦石其地平正無有丘墟自闍浮提地上至三十三天滿中諸人皆獲初禪

成就一心名上凡夫梵天於意云何彼得初禪勝上凡夫心所念智所知之處名爲何等梵天白言世尊名爲世間智慧境界佛告梵天於意云何一須陀洹人心所念智所知之處復名何等梵言世尊名爲出世智慧境界佛言梵天假使滿闍浮提勝上凡夫盡其心方能知一須陀洹人心智境不梵言不也世尊何以故凡夫不知出世事故如是梵天一切凡夫尚不得知云何能得稱量言說是故雖滿此闍浮提已得初禪勝上凡夫終不可比一須陀洹梵天白佛實爾世尊何以故彼諸凡夫唯得初禪猶尚未得二禪

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

已上乃至四空世間勝法云何能知須陀洹等所知出世法也梵天當知是爲第一無價衆寶譬喻差別復次梵天置一天下勝上凡夫假使滿四天下皆是須陀洹盡其智力亦不能知一斯陀含心之所行智之所證乃至不能思惟稱量少分邊際梵天是爲第二勝寶譬喻差別復次梵天置四天下滿須陀洹假使滿四天下皆斯陀含終不能知一阿那含心之所緣智之所證乃至滿四天下諸阿羅漢亦不能知一辟支佛心智境行梵天是爲第三第四第五寶喻差別復次梵天置阿羅漢假使滿四天下皆辟支佛共

盡智力若欲思量一生菩薩入母胎時心智境界證入次第大願深忍問答演說及諸威儀終不能知不能思量不能分別不能聽說乃至不得彼法少分唯除如來應供正遍覺乃能知耳梵天是爲菩薩第六勝寶譬喻差別復次梵天此間浮提滿中天寶如上喻說乃至須彌頂寶名曰威華我今爲說此寶威光及以德用更引諸喻顯其少分此言難信唯除證者梵天若取威華勝寶置於須彌山頂是大海水深入萬四十由旬其下乃有諸龍宮殿住所及阿修羅迦樓羅等宮殿住處所有衆寶及大海中種種寶珠彼

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

大德龍神通力故珍寶瓔珞皆有光明諸阿彌羅雖多詭詐神通瓔珞亦有勝光如是一切光明若遇威華衆寶光明皆滅不現梵天猶如日輪現時悉能映蔽諸螢火光喪沒不現其事若此梵天當知此日輪光繞須彌山餘方現時彼山頂寶於闇浮提作大照明爾時梵天白佛言世尊是威華寶從何而來誰德所感佛告梵天大海最下有金剛際於彼際下有一火聚名爲多日光明熾盛此卽大鐵圍山根本出處彼有金地名曰解脫是威華寶從此而生梵天復言世尊彼威華寶云何無價佛告梵天此四天下一切

所有小大諸山樹木叢林及諸藥草皆悉熾然遍燒欲界猶如劫盡彼火盛時若於梵宮取一威華投置火內如一念頃大火卽滅猶如大雨能滅小火此寶威神亦復如是梵天此寶現時誰福所致梵天復言世尊我以不知先問此義是威華寶威力住處唯願善說令我得解佛告梵天如劫盡時三千世界百億天下各隨本所一切洞然當於是時取威華寶置於梵宮是寶威光能令欲界諸天宮殿下及地獄凡所至處猛火卽滅皆得清涼如秋九月夜後分時劫火皆滅能作清涼亦復如是梵天是時衆生以福盡故

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

諸摩尼寶隱沒不現衆生無計能得是寶彼威華寶不可得見如辟支佛出世甚稀復次梵天從海下至第四風界彼有風輪名曰極駛彼風輪上有火輪界名曰不壞恒常熾然猛焰不絕彼火輪上有一威華安住在一摩尼寶上以彼二寶威光德力能持火輪熾然不絕亦復能制令彼火輪不得燒壞大地諸方大鐵圍山須彌山王及大海水如是一切皆以依彼威華寶珠及勝摩尼光明德力乃得安住復次梵天所言毗楞伽寶者純真金色善根所生自然彫瑩乃能出過須彌山頂忉利天處夜摩天處兜率天處住

於梵宮菩薩從闇浮提生兜率已善根力故此寶自然生於篋中作降魔事何以故梵天若有諸魔及魔眷屬發大惡心趣兜率天作諸障礙壞亂菩薩雖共盡力而不能動所以者何由此摩尼寶莊嚴具在菩薩頸珠威力故所有魔事自然壞滅魔王波旬深生憂惱又是菩薩初從天降入母胎時彼莊嚴具亦常隨逐乃至初生出家坐於道場菩提樹下彼寶恒在此時魔王與其軍衆無量億數現百千種大恐怖事奮其威猛諸閻戰具菩薩端坐寂然不動破魔軍已成等正覺梵天當知彼釋迦毗楞伽勝摩尼寶有如

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

是力何況菩薩處兜率天魔王獨能爲障礙也假使餘天及兜率天亦不能損以寶常隨菩薩身故時彼梵天復白佛言世尊彼釋迦毗楞伽摩尼寶唯有是德更有餘力耶佛告梵天彼寶威力乃有無量非唯此也梵天此間浮提縱濶七千由旬其地形相比濶南狹如婆羅門車時彼天下有四王治處何等爲四一者人王二者蛇王三者惡馬王四者惡龍王梵天此間浮提毒蛇遍滿咸有瞋心盡吐毒火更相噓螫已及他身皆爲灰燼當於彼時鳥獸及人觸此毒火卽便喪滅如是瞋毒諸惡龍等自相燒滅汎復餘類

梵天此間浮提蛇毒充滿於意云何如是蛇衆可謂多不梵天言世尊甚多甚多佛告梵天於此三千大千世界所有惡龍及諸龍王有大神通於虛空中起大重雲奮大電光震大惡雷放大霹靂雨大雹雨出種種聲現種種威梵天於意云何如是龍衆可謂大不梵天言世尊甚大甚大佛告梵天於此三千大千所有惡人惡馬諸惡毒等住於邪道然後遣令悉蛇惡龍惡馬乃至惡人皆起瞋心惡心惡力惡行惡事乃至惡道具足如是諸恐怖時如是菩薩於兜率天開發顯示彼摩尼寶令彼惡毒衆生等見

5 6 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

衆生覩已惡事消滅世界清淨惡心自息柔軟和順慈愛歡欣皆以見彼摩尼寶故梵天當知此釋迦毗楞伽寶乃有如是無量無邊大威德力若具說者終不可盡時彼梵天復白放光佛言世尊如佛先說菩薩身寶名寶精者有何功德唯願開示令我等聞佛告梵天汝今不應問斯大事何以故一生菩薩善根深重凡諸果報非彼世間所堪知見所以者何如是菩薩欲入胎時是寶先導隨菩薩身而作佛事出時亦爾是故此寶寶中最勝乃有如是無量勢力汝等梵天若知寶處則往供養恭敬禮拜不應問我有何

功德梵天白言世尊我於此義無復疑心爲諸衆生故發斯問欲令聞者生歡喜心以是義故我詣世尊如此問者欲於將來具行佛事增長菩提世尊是菩薩寶下間浮提時威德力故日月光明尚皆喪滅而況星宿諸火光等能不滅乎是故此寶最爲殊特常依菩薩摩訶薩所一切梵天應將是寶安置梵宮尊重恭敬禮拜供養作希有事世尊此寶光明能蔽日月星宿火光令不復現而彼日月星火等光無滅沒者皆是如來神力所爲不使世間常處闇冥所以者何如來世尊有大慈悲加被一切諸衆生故若無如

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

來威神加者乃至一切梵天光明亦皆失滅佛告梵天言加護者義何謂也梵天言世尊加護義者以上被下劣依勝故諸佛世尊一切諸事勝出世間諸人天等譬如日光出時諸螢火光悉皆失滅如來威力若不加者一切人天光明喪滅亦復如是世尊我於如來威神德力無復疑心何以故我觀如來心無狀足是故我今爲未來世諸衆生等敢問斯事佛告梵天汝今頗知有諸外道五通神仙所得四禪四空三摩跋提入出心行不梵天言世尊我今少知外道諸仙所得禪定三摩跋提然此衆中有未解者來世衆

生復不能知是故我今問如是義欲令衆生不知者知亦令將來未解者解梵天世間無有語言及義文句名字而能離此陀羅尼門修多羅者梵天所有諸修多羅或祇夜或授記一切他所問者或有此三十七助菩提法所攝乃至顯說行者皆悉入此妙陀羅尼深法門中是以今此陀羅尼門卽爲三世諸佛已說當說我今現在亦復演說若有人能如我所說憶念受持是陀羅尼者此人未來還得如我說如斯法我於往昔亦曾供養恭敬尊重無量諸佛彼諸佛等亦以此陀羅尼修多羅法門教化成就無量億數諸

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

大菩薩摩訶薩衆佛告梵天我念過去無量億劫有
佛世尊名勝三昧如來應供正遍覺出現於世彼最
後身所生之處其父輪王名大精進七寶具足統四
天下菩薩即是寶后所生第一太子常處深宮與八
萬四千衆美女俱如是諸女皆以種種名寶瓔珞摩
尼天珠而爲莊飾前後圍繞游觀園林無量妙音以
娛菩薩猶如帝釋歡喜之園然是菩薩有大人相一
切世間無能及者梵天菩薩後時間衆女言汝等誰
有赤檀箜篌如其有者今宜前進時有一女以赤檀
箜篌奉授菩薩菩薩彈已作是思惟如此聲者從何

所來爲從弦生爲從柱出爲棍有耶爲槽作乎如是
思已知聲無定復作是念我若不觸即不出聲如是
聲者應從手出作是念已即便以手觸於虛空聲亦
不出因此方知手無定聲知無定已即復思念今此
聲者虛妄不實假衆因緣和合而有彼諸衆生甚大
愚癡常爲無明迷惑所覆不知見覺耽著此聲因爲
放逸真造衆惡墮三惡道菩薩如是深厭離時即入
三昧入三昧已悉捨世間五欲衆具凡是所重如棄
淡唾身昇虛空住虛空已復作是念我今此身必定
成佛如是念時即便獲得大勝三昧三昧力故足步

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

虛空詣菩提樹至樹下已結加端坐身不動搖梵天
菩薩如是結加坐時有一魔王名拘知舍住菩薩前
以偈讚曰

丈夫速成佛 爲世安樂故 無憂甘露句

滅盡諸煩惱

佛告梵天我於爾時作婆羅門名速疾身覩彼菩薩
坐道樹下將成正覺內自思念我今要當在菩薩前
一心合掌恭敬而立彼成佛時乃可休息於是七日
七夜住立諦觀更無餘念不念飢渴不覺疲勞亦無
睡眠過七日已菩薩方證無上菩提轉大法輪梵天

我於爾時彼佛法中起增上信捨家出家願我當來
亦成正覺如今莫異梵天彼佛世尊知我發心精進
勇猛堪能荷負無上菩提便授我記告言仁者汝於
未來過無量劫當得作佛號曰放光如來應供正遍
覺汝最後身其所生父轉輪聖王名祭火光即於生
世捨家出家修行未幾成正遍覺梵天我於爾時與
菩薩衆十四人俱我等並於十四年中專精讀誦此
陀羅尼彼勝三昧如來於十四年中有所宣說唯一
法句我等聞是法句義已即時獲得不退轉忍以此
忍故無復一切煩惱怖畏梵天時彼如來爲十四菩

56789 80123456789 90123456789 100123456789

薩於十四年中教化成熟令住不退轉地不壞不動
猶如金剛其心牢固衆善惠心於諸法中得不退轉
時彼梵天復白佛言世尊我今已知彼諸菩薩不退
轉行猶未審知此陀羅尼修多羅說一句門其義云
何佛告梵天此修多羅一句門者卽如來藏此一句
門若具說者假使三千大千世界所有諸聲及衆音
樂所謂四天王聲忉利天聲夜摩天聲兜率天聲化
樂天聲他化自在天聲乃至魔王宮殿一切諸聲皆
爲法音演茲一句猶不能盡何以故由一句門顯示
佛藏深寬大故梵天此如來藏寬大無量無際無邊

不可窮盡若宣說者令諸衆生身心清淨安隱快樂
昔所未得今悉得之斯皆由彼如來藏故

三乘教品第十一

佛告阿難時放光如來於大衆中命一婆羅門子毗
舍佉言汝毗舍佉若聲聞人凡欲教化云何能令他
人歡喜先當自淨身口意業發誓精進善學法義常
多思惟成就智慧然後教他令生歡喜增長善法若
不如是不能令他於彼義中分別解說應如是住如
是念如是學何以故若無智慧卽非善學尚不自知
況能教他毗舍佉譬如世間剪角特牛無有鬪事旣

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

不自護亦不護他何以故無鬪具故如是毗舍佉若沙門婆羅門諸衆生等不勤學者不能思義不如說行不能爲他談說議論何以故無智慧故但有憍慢憎我所心自他善法皆悉損滅是故有智慧者不起憍慢無我所心我想不生亦無執著不食己身何以故見聖諦故不生煩惱惡毒滅故無有評論離怨敵故無我所心不自讚故除欲煩惱不念餘事唯觀因緣亦教他觀十二因緣一切生滅毗舍佉是則名爲聲聞行人善自防護身口意業亦能教他遠離三過復次毗舍佉辟支佛人則不加是甚有說想但自覺

悟不能教他所以者何是人斷絕大願深行唯樂寂靜不願化生一向不能宣說諸法亦不能說善惡業報乃至生死過患涅槃安樂一切不說唯觀他心知有樂欲即使普現神通變化自在無礙令他信解爲物福田生大功德隨其所願卽能成滿勝聲聞人以得自在神通力故毗舍佉彼亦丈夫以於過去久遠修育少欲知足今如是行如是業如是願以本願故於佛法中但取少分唯現神通隨宜利益而實不能說法度人令他歡喜毗舍佉是人但以自覺彼法是故不能說法教化而彼亦有如是方便憐愍衆生示

56789 80123456789 90123456789 100123456789

現神通出生善根世若無佛則住世間若佛興世便取滅度是人出時無有師教唯以自力出家修行內心思惟而自證覺是故勝彼聲聞福田毗舍佞性爲辟支佛所行事業復次毗舍佧行化衆生耶我今略說菩薩學處若諸菩薩自所學處先觀世間所有漏法卽見有爲皆從緣起無暫時住念念自滅本性空寂如是知已欲令一切生歡喜故應先自行六波羅蜜亦化衆生令行六波羅蜜令捨離慳著彼若無物菩薩給與教勸行施令心歡喜又以持戒慰喻開示如是忍辱精進禪定智慧諸波羅蜜等菩薩摩訶薩常

應勤行亦令衆生如是修學菩薩行已身心歡喜亦令衆生身心歡喜而彼菩薩乃至命盡不捨如是勤精進心又彼菩薩以多慈悲精進力故無量衆生願從其學皆自思念我等何時得如是行毗舍佧行上至諸天猶皆樂彼丈夫所行何況人也是故汝等應當勤學大丈夫行

大法炬陀羅尼經卷第五

音釋

權直教切 挽引也 餘無綰切 餘戶鉤切 餘乾食也 鮋魚名 飄各切 烛徒東切
貌無疾也 駁踈士切 彫瑩彫丁聊切 琢文也 篓苦協切 篓箱屬 狹

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

胡夾切 嘘蟹嘘休居切吹也 霹靂霹方
隘也 擊切毒也 爐火餘也
雷之急激者

棍線棍子也

稽切

金壇于門曹氏法名三滿道人奉爲亡父曹三
陽亡母呂氏捐資刻此
大法炬陀羅尼經第五卷以資冥福計字六千
五百個該銀二兩九錢二分六厘
天啓乙丑歲冬十一月金沙顧龍山識

